



LORON 120

husi Kompromisu husi Governu Konstitusionál IX

1 Jullu to'o 28 outubru 2023

“Mai ita salva Estadu Direitu Demokrátiku”





LORON 120

husi Kompromisu husi

Governu Konstitusionál IX

1 Jullu to'o 28 outubru 2023

“Mai ita salva Estadu Direitu Demokrátiku”

Índise

Mensajen husi Sua Exelénsia Primeiru-Ministru, Kay Rala Xanana Gusmão.....	05
Kompromisu sira.....	07
Realizasaun Prinsipál sira.....	19
Kontinua Dezenvolvimentu ba Kapítal Sosiál.....	19
Kontinua Dezenvolvimentu ba Infraestrutura sira.....	30
Kontinua Dezenvolvimentu ba Ekonomia.....	33
Kontinua Konsolidasaun Governativa.....	41
Kontinua Governasaun Di'ak no Kombate ba Korrupsaun.....	45
Kompozisaun Governu Konstitusionál IX.....	56
Organograma Governu Konstitusionál IX.....	60
Kronologia atividade prinsipál sira iha loron 120 dahuluk nian.....	62

***LORON 120 husi
Kompromisu
husi Governu
Konstitusionál IX
“Mai ita salva Estadu
Direitu Demokrátiku”***

Hodi kumpre mandatu neêbé povu Timor-Leste fó ba Governu Konstitusionál IX,

Governu neê prepara programa ida-neêbé subliña kompromisu sira ba tempu badak, médiu no naruk, no ko'alia liu kona-ba kompromisu sira neêbé halo durante loron 120 dahuluk governasaun nian. Loron 120, maizumenus fulan haat, neê hanesan períodu badak ida atu hetan rezultadu boot, maibé neê mak tempu neêbé presiza atu harii fundasaun ba programa estrutura no transformativu ida ba nasaun neê.

Nunêe, hafoin Tomada-de-posse husi Governu hala'õ iha loron 1 fulan-jullu tinan 2023, departamentu governu hotu-hotu dedika sira-nia an, iha loron primeiru sira-neê, atu ha-



tene sira-nia funsionáriu administrativu sira, sira-nia rikusoin no arkivu sira neêbé eziste, servisu neêbé la'o hela, no analiza no avalia servisu sira-neê ho objetivu atu identifika fal-lansu no susesu sira neêbé governu uluk he-tan.

Membru Governu hotu-hotu komprende ka-tak presiza haka'as an atu korrije irregularida-de sira neêbé komete durante períodu estag-nasaun neê, iha neêbé violasaun sistemátika ba regra governasaun di'ak no transparénsia nian, neêbé presiza ba dezvoltamentu no konsolidasaun Estadu Direitu Demokrátiku nian, mak domina.

Ezekutivu hotu hatene katak nia misaun mak atu kontribui ba “nasaun ida-neêbé sosiedade ida-neêbé iha moris-di'ak, edukadu no kua-lifikadu, inovador no dinámiku, ho asesu ba sasán no servisu esensial sira no iha neêbé produsaun no empregu iha setór produtivu hotu-hotu korresponde ho ekonomia emer-jente sira “ - implementa meta no prioridade sira neêbé estabelese ona iha Planu Estratéjiku Dezenvolvimentu 2011-2030 no tuir fila fali roteiru neêbé define ona husi Timor-Leste atu kumpre Agenda Nasoins Unidas nian ba De-zenvolvimentu Sustentavel - hatene mós katak kompromisu ida-neê la bele hetan sein pás, estabilidade, justisa no instituisaun sira neêbé efektivu, responsavel no inkluzivu neêbé hatu-du dalan ba dezvoltamentu sustentável neê.

Governu Konstitusionál Da- IX husu ba nia an rasik devér no responsabilidade atu halo korresaun nesesáriu ba frakeza sira neêbé he-tan no implementa polítika publika sira atu reforma sistema neê ba transparénsia boot liu no responsabilidade financeira no adminis-trativa. Governu ida-neêbé efisiente bele im-plementa reforma estrutural sira hodi aselera transformasaun neêbé presiza, liuliu iha área sira neêbé la kumpre sosiedade no popula-saun sira nia espetativa.

Ein rezumu, iha loron 120 dahuluk, ekipa go-vernú sira dedika sira-nia an ba levantamentu kompletu ida kona-ba korresaun hotu-hotu neêbé presiza halo, transversal, ba prosesu, sis-tema no metodolojia sira neêbé hakotu krexi-mentu ekonómiku no dezvoltamentu sus-tentavel. Ida neê inklui mós preparasaun ba estrutura orgánika liña ministerial ida-idak nian, renova kadru legal administrativu ba estrutura no política nasional sira no define objetivu no prioridade sira ba tinan 5 oin mai.

Karik ida-neê parese uitoan de'it, maibé kons-trusaun ba edifísiu ida-neêbé metin no dura-douru hahú ho fundasaun sira, no estrutura-saun no planeamentu la fasil, liuliu iha nasaun ida-neêbé iha prioridade no nesesidade barak. Ba kada Ministru, ba kada Sekretáriu Esta-du, ba kada lider instituisaun públiku, dezafiu neêbé lansa ona mak atu fornese servisu neêbé di'ak liu, efikásia no efisiénsia neêbé boot liu, rigorozu no transparénsia neêbé boot liu, in-tegridade no profesionalizmu neêbé boot liu, ho objetivu atu hadi'a kondisaun moris Ti-mor-oan sira-nian no liuliu atu kria kondi-saun sira ba sidadaun Timor-oan sira atu de-zenvolve sira-nia an, ho espírito demokrátiku no partisipativu neêbé loos.

Ha'u kontente atu hatete katak, iha fulan sira primeiru governu nian neê, ha'u sente entu-ziazmu no kompromisu husi ekipa governu tomak atu kumpre objetivu ida-neê. Ami forte no unidade atu serve Timor-oan sira no tau nasaun neê iha dalan dezvoltamentu nian.

28 outubru 2023


Sua Exelénsia Primeiru-Ministru
Repúblika Demokrátika Timor-Leste
Kay Rala Xanana Gusmão

Kompromisu sira

“Halo korresaun nesesáriu, halo buat barak liu no halo buat di’ak liu, sai hanesan plata-forma komprensaun komún ba formasaun Governu foun ne’e. Ita-nia prátika governu nian sei orienta tuir prinsípiu governasaun di’ak, inklusaun no prinsípiu katak ema hotu tenke halo tuir lei.

Ita-nia vizaun mak kona-ba nasaun ida-ne’ebé iha sosiedade ida-ne’ebé prosperu, saudavel, edukadu no kualifikadu, inovativu no dinámiku, ho asesu ba sasán no servisu esensial sira no iha ne’ebé produsaun no empregu iha setór produtivu hotu-hotu korresponde ho ekonomia emergente sira.”

Atu hatán ba povu no sosiedade Timor-Leste nia espetativa, Governu IX, iha loron 120 dahuluk governu nian, kompromete ba inisiativa no medida lubuk ida, ne’ebé relatóriu ne’e foka liu ba.

Nuné, iha loron 120 primeiru mandatu nian, entre loron 1 fulan-jullu to’o loron 28 fulan-outubru tinan 2023, Governu dedika an ba:

1 *Hadi’a fali normalidade demokrátiku, liu husi Parlamentu lejítimu no Governu legál ida, atu aprova Programa Governu nian ba tinan 5, aprova Orsamentu retifikativu ba tinan 2023 no aprova Orsamentu Jerál Estadu nian ba tinan 2024. No mós halo esforsu hotu-hotu atu revoga leislasaun no regulamentu hotu-hotu ne’ebé presiza atu konsolida Estadu.*

Konsellu Ministrus aprova ona, iha loron 12 fulan-jullu tinan 2023, Programa Governu Konstitusionál IX nian, ne’ebé define polítika publika prinsipál sira ne’ebé sei adopta duran-te mandatu ne’e.

Programa Governu ne’e bazeia ba kompromisu ida-ne’ebé metin no determinadu atu kumpre agenda dezvoltamentu ida ba Nasaun ne’ebé inklui iha área prinsipál neen: reafirmaun husi Estadu Direitu Demokrátiku, dezvoltamentu kapitál sosiál, dezvoltamentu infraestruturas, dezvoltamentu ekonomia, konsolidasaun governativa, no governasaun di’ak no kombate ba korrupsaun.

Programa ne’e, ne’ebé debate iha Parlamentu Nasionál durante loron rua, hetan ovasaun





husi deputadu hotu-hotu Parlamentu Nasionál, iha loron 19 fulan-jullu tinan 2023, ho representante bankada parlamentár sira neêbé hato'o sira-nia apoiu ba Programa neê ba tinan lima oin mai.

Konsellu Ministrus aprova ona, iha loron 9 fulan-agostu tinan 2023, Proposta Lei ba alterasaun dahuluk ba Lei No. 15/2022, loron 21 fulan-dezembriu, kona-ba Orsamentu Jerál Estadu nian ba tinan 2023, Lei No. 2 /2022, loron 10 fulan-fevereiru, kona-ba kuadru Orsamentu Jerál Estadu nian no Jestaun Finanseira Publik, no alterasaun daruak ba Lei No. 8/2008, 30 Juñu, Lei Tributária. Orsamentu Jerál Estadu Retifikativu ba tinan 2023, ho valór konsolidadu totál dolar amerikanu millaun 1.77, hetan aprovasaun iha votasaun finál globál husi Parlamentu Nasionál, iha sesaun plenária iha loron 24 fulan-agostu tinan 2023.

Konsellu Ministrus aprova ona, iha loron 24 fulan-jullu tinan 2023, Organizasaun foun Governu nian, Dekretu-Lei No. 46/2023 loron 28 fulan-jullu. Estrutura foun Governu nian refleto laós de'it estrutura réal, maibé mós filozofia Governu foun nian. Tanba neê organizasaun neê representa organizasaun neêbé apropriadu liu ba implementasaun Programa neê, neêbé inklui área no programa sira neêbé tesi iha área governu oin-oin, no responde ba ezijsia lejislatura nian.

Konsellu Ministru aprova ona, iha loron 2 fulan-outubru tinan 2023, totál despeza sira neêbé asociadu ho kada título orsamentál neêbé refere ba Orsamentu Jerál Estadu nian ba tinan 2024, ho valór globál estimadu hamutuk dolar amerikanu biliaun 1.6. Montante ida-neê refleto redusaun 18%, ekivalente ho dolar amerikanu millaun 360, kompara ho OJE tinan 2023. Estimativa orsamentál neê sei analiza husi Komisaun Revizaun Orsamentál, entre loron 23 fulan-outubru no loron 9 fulan-novembriu. Proposta Lei OJE 2024 nian hein katak sei entrega ba Parlamentu Nasionál to'o fulan Novembriu nia rohan.

2 *Revogasaun Lei n. 3/2014, ne'ebé kria RAEOA no ZEEMS, atu subordina Autoridade RAEOA atu kontrola di'ak liu tan husi Governu Sentrá, tanba la deskreve objetivu sira iha Lei ba kria saun ZEEMS, maske tinan sia liu tiha, no kontinua halo Auditoria imediata ba atividade hotu-hotu, inklui prosesu akizisaun "Ro Haksolok" ne'ebé karun tebes.*

Konsellu Ministrus aprova ona, iha loron 25 fulan-setembru, proposta Lei ne'ebé aprova alterasaun datoluk ba Lei n. 3/2014, loron 18 fulan-juñu, ne'ebé kria Rejiaun Administrativa Espesiál Oe-cusse Ambeno (RAEOA) no Estabelese Zona Espesiál Ekonomia Sosiál Merkadu Oe-cusse Ambenu no Atauro.

Proposta Lei ne'e hetan aprovasaun jerál iha Parlamentu Nasionál iha 24 Outubru 2023. Alterasaun sira ne'ebé aprova inklui: estabelesimentu enkuadramentu legál ida-ne'ebé apropiadu ba Área Sosiál no Merkadu Espesiál sira iha territóriu laran tomak; podér tutela ba RAEO sei ezerse de'it husi Primeiru-Ministru; podér regulador RAEOA nian sei tuir Konstituisaun no Lei; kontratu sira ne'ebé RAEOA konklui ona hodi naran Zona Espesiál Ekonomia Sosiál no Merkadu Oe-Cusse no Ambenu no Atauro sei transfere automatikamente ba RAEOA.

Kona-ba prosesu akizisaun Ro-Haksolok nian, Governu halo revizaun detalladu ida kona-ba dokumentu hotu-hotu ne'ebé sai parte hosi prosesu ne'e, inklui kontratu oioin ne'ebé asosiadu ho konstrusaun ró nian, no analiza viabilidade téknika no finanseira atu kontinua ho projetu ne'e.





3 *Kansela Lei ne'ebé kria munisípiu Atauro, tanba la iha kondisaun infraestrutura no lojístika iha illa Atauro, hanesan estrada, eletrisidade, bee, portu no aeroportu.*

Konsellu Ministrus aprova Proposta alterasaun da-haat ba Lei n. 11/2009 loron 7 fulan-outubru, ne'ebé aprova Divizaun Administrativa Territóriu. Proposta Lei ne'e hetan aprovasaun jerál iha Parlamentu Nasionál iha 24 Outubru 2023. Hanesan prevee ona iha Programa Governu IX nian, alterasaun ne'e nia objetivu mak atu haluan munisípiu Atauro no kria divizaun administrativu ida-ne'ebé hanaran "Atauro," tuir definisaun Artigu 5 Konstituisaun Repúblika nian.

Proposta ida-ne'e atu altera kualifikasaun legál administrativu Atauro nian sei loke dalan ba redefinisasaun modelu administrativu territorial ida-ne'ebé, tuir Governu, iha kapasidade atu deklara prosesu dezvoltamentu territóriu ida-ne'e nian, ho partisipasaun komunidadade lokál sira-nian. Governu konsidera katak solumaun ida-ne'e laós retrosesu ka diskualifikasaun husi illa Atauro, maibé atu lansa baze ba modelu foun ida ba organizasaun no operasaun administrasaun lokál Atauro nian, ne'ebé iha meu no enkuadramentu legál ne'ebé prezisa atu promove prosesu infraestrutura iha territóriu ida-ne'e, atu asegura fornimentu bens no servisu báziku sira iha komunidadade lokál sira no atu harii ekonomia no bein estár husi populasan iha Atauro."

4 *Halo auditoria ba Tribunal Kontas, Komisaun Anti-Korrupsaun no Ministériu Públiku kona-ba implem-tasaun programa no falta prosesu aprovizio-namentu ba projetu barak.*

Governu hala'ò hela análize legál ida kona-ba falta konta auditoria husi Kámara Kontas, Ko-misaun Anti-Korrupsaun no Ministériu Pú-bliku.

Tuir prinsípiu separasaun podér entre órgaun soberanu sira, lakleur tan Governu no Parla-mentu Nasionál sei propoin mekanizmu sira ne'ebé rekere provizaun kontas husi entidade sira-ne'e no auditoria especializada sira ne'ebé garante sira nia independénsia.

5 *Halo auditoria ba Komisaun Fun-saun Publika no Inspesaun Jerál Es-tadu kona-ba rekrutamentu ilegál no hakotu kontratu sira sein justifikasaun.*

Komisaun Funsan Publika ka Inspesaun Je-rál Estadu nian, hahú prepara ona termu re-ferénsia sira ne'ebé presiza atu hala'ò auditoria ba entidade rua ne'e.

Auditoria hirak-ne'e halo verifikasaun ba kua-lidade no legalidade jestaun nian ne'ebé ezerse husi jestór servisu hirak-ne'e no sei determina análize ida-ne'ebé rigoroza no sistemátiku te-bes kona-ba atividade hirak ne'ebé hala'ò husi servisu importante rua ne'e Estadu nian, atu nunee besi ne'e sai esensialmente iha jestaun no auditoria legál sira.





6 *Halo auditoria ba fraude eleitorál ne'ebé hala'o husi Konsellu Administrativu Eleitorál iha Eleisaun Parlamentár foin lailais ne'e atu proteje Estado Direitu Demokrátiku.*

Prosesu avaliasaun ida hala'o tiha ona ba organizasaun no operasaun Sekretariadu Tékniku Administrasaun Eleitorál (STAE) no atividade sira ne'ebé dezenvolve ona iha prosesu eleitorál foin lailais ne'e, hodi identifika nesesidade atu halo prosesu revizaun eleitorál foun ida, atu nune'e bele atualiza ho konfiansa informa-saun sira ne'ebé continua iha Baze Dadus Revizaun Eleitorál.

Atu asegura rezultadu ida-ne'ebé seguru no fiar-na'in no integridade no autenticidade prosesu eleitorál nian, tenke moderniza prosesu revizaun nian, uza, porezemplu, dadus biometriku hosi eleitór sira, atu nune'e bele esklui ipóteze fraude nian no atu proteje representa-saun loloos no demokrátiku husi eleitór timo-roan sira.

Prosesu avaliasaun ida-ne'e sei sai nesesidade atu hametin kuadru legál ne'ebé regula prose-su eleitorál sira, liu liu, liu husi kria-saun Kódi-gu Eleitorál.

7 *Reestruturasaun Diresaun TIMOR GAP no ANPM, atu asegura efisién-sia boot liu iha setór mina-rai, ne'ebé importante tebes ba dezvoltamentu país nian.*

Konsellu Ministrus aprova alterasaun daruak ba Dekretu n. 31/2011 loron 27 fulan-jullu, Timor GAP - Timor Gas & Petróleu, E.P. Alterasaun ne'e ho objetivu atu korrije erru sira ne'ebé la nesesáriu no detalladu, nune'e mós atu adapta estrutura governasaun TIMOR GAP, E.P. ba padraun ne'ebé tuir husi kom-pañia setór enerjia internasionál no nasional sira, no atu haluan sira-nia ámbitu asaun hodi

hasoru di'ak liu dezafiu sira husi tranzisaun enerjética. Rui Maria Alves Soares hetan no-measaun nu'udar Prezidente Konsellu Administradór no, liu husi inerensia, Prezidente Komisaun Ezekutivu TIMOR GAP, E.P. - Timor Gas & Petróleu, E.P. (TIMOR GAP), ba tinan haat nia laran. Nu'udar empreza referénsia públiku iha setór enerjia, TIMOR GAP iha mandatu atu jere investimentu Estadu nian iha setór mina-rai no setór sira neêbé iha rela-saun, tuir polítika neêbé Governu define.

Konsellu Ministrus mós aprova alterasaun datoluk ba Dekretu n. 20/2008 loron 19 fulan-juñu, neêbé estabese Autoridade Nasionál Petróleu. Ho alterasaun ida-neê, Autoridade Nasionál Petróleu (ANP) sei foti fali kompeténsia no atributu sira neêbé foka de'it ba mina-rai no gás no área sira neêbé iha relasaun ho ida-neê, hodi nunê bele foka ba setór neê no aloka rekursu hotu-hotu ba dezvoltimentu ida-neêbé hanesan, atu nunê bele kontribui efetivamente ba dezvoltimentu ekonómiku país nian. Gualdino do Carmo da Silva hetan nomeasaun nu'udar Prezidente Konsellu Autoridade Nasionál Petróleu, I.P., ba tinan haat.

Aprova mós establesimentu husi Autoridade Nasionál Minerais I.P. (Dekretu-Lei 63/2023 6 Setembru), no Rafael Danilson Magno de Araujo nu'udar Prezidente Konsellu Direтиву. Harii mós Institutu Jeosiensia Timor-Leste I.P.. (Dekretu-Lei n. 60/2023 6 Setembru), no Job Brites do Santos, Prezidente foun ba Konsellu Direтиву. Halo estensaun ba Companhia Mineira de Timor-Leste, S.A. no kria Murak Rai Timor, E.P. (Dekretu-Lei 64/2023 6 Setembru) no Prezidente Komisaun Ezekutivu no Prezidente Konsellu Administrativu mak José Manuel Gonçalves.

8 *Reestruturasaun ba Polísia Sientífika Investigasaun Kriminál (PCIC) tanba falta integridade no profesionalizmu.*

Relatóriu no proposta kona-ba reforma estrutural PCIC nian dezvoltolve tiha ona atu hadi'a área oin-oin hodi haree ba ezemplu no efisiénsia iha aplikasaun justisa nian. Área bá-zika sira atu alkansa objetivu ida-neê, hanesan forma espesializadu no kapasitasaun; modernizasaun teknolojia; separasaun funsaun sira; transparénsia no responsabilidade; revizaun ba prosesu no prosedimentu sira; interasaun ho comunidade; rekrutamentu ba investigadór sira; jestaun ba kazu sensitivu sira; koordinasaun entre ajénsia sira; no avaliasaun regulár no esterna ba investigasaun kriminál - konsidera atu hadi'a kualidade investigasaun kriminál sira, no reforsu no kredibilidade PCIC nian, hodi kontribui atu hametin sistema judisiáriu iha aspetu hotu-hotu no promove kualidade, forsa no seguransa no defeza Estadu Direitu nian.

Dekretu-Lei no Estatutu Pesoál PCIC no Dekretu Lei kona ba Mudansa iha Estatutu husi PCIC sei iha faze preparasaun.



**PCIC - Polícia Científica
de Investigação Criminal
TIMOR-LESTE**



9 *Atu hametin pás no seguransa ne'ebé nesesáriu ba desenvolvimentu nasional liu husi aseguara direitu, liberdade no garantia fundamentál sidadaun hotu-hotu nian.*

Governu foun lansa ona iniciativa no reforma balun atu konsolida pás, estabilidade no seguransa iha nasaun ne'e, kondisaun fundamentál sira ba desenvolvimentu nasional. Reforma sira ne'ebé relaciona ho seguransa interna, migrasaun, kontrolu fronteira, protesaun sivil no seguransa estrada, maibé mós setór governasaun sira seluk, inklui setór justisa.

10 *Halo revizaun kedas ba prosesu ilegal obriga elementu PNTL barak atu reforma-an.*

Konsellu Ministrus, liu hosi Rezolusaun Governu nian, aprova ona reintegrasaun ba polisia PNTL 158. Governu halo ona reintegrasaun polisia PNTL nian, no sei selu fali ba tempu ne'ebé sira iha situasaun reforma.

11 *Reforma no reestruturasaun Servisu Nasionál Intelijénsia atu aseguara integridade no profesionalizmu iha instituisaun ida-ne'e.*

Servisu Nasionál Intelijénsia hahú ona prosesu reestruturasaun, hahú hodi haree mudansa iha kadru lideransa. Serimónia Transferénsia Podér Lideransa SNI hala'o iha loron 5 Setembru 2023. Lideransa foun kompostu husi Diretór Jerál Longuinhos Monteiro, no Vise-Diretór-Jerál, Egas Moniz.

Iha prosesu análise nian, iha área prosedimentu lejizlativu Governu nian, diploma ida-ne'ebé muda estatutu Servisu Nasionál Intelijénsia nian, halo reforma no reestruturasaun ninia servisu sira.

12 *Avizu ba ajente PNTL hotu-hotu, ne'ebé hetan juramentu atu serve partidu ida, atu husik sira-nia juramentu ka husik PNTL.*

Promosaun ba asaun konxiansializasaun no formasaun ba ajente PNTL sira, nunêe mós sorumutu ho diretór seniór PNTL sira, inklui vizita husi Primeiru-Ministru ba Akademia PNTL, hodi promove valór integridade ne'ebé aas, profisionalizmu no eskluzaun polítika ka partidária.

Imparsialidade hanesan karakteríska obrigatóriu ba profisionál sira ne'ebé aplika lei, tanba sira tenke trata sidadaun hotu-hotu ho justu no hanesan, maske sira-nia afiliadu polítiku. Ida ne'e no aspetu esensial ida atu mantein konfiansa no integridade iha sistema justisa, no sei lori ba ajente PNTL sira-nia fokus ba aplikasaun imparsial ba lei sira no protesaun seguransa no direitu membru sosiedade hotu-hotu nian, maske sira-nia preokupasaun política.

13 *Eliminaun imediata ba aumentu boot husi impostu sira ne'ebé aprova iha Janeiru 2023.*

Governu ajusta taxa impostu seletivu konsumu no taxa aduaneira ne'ebé aplika iha 2023. Halo eliminaun ba taxa impostu seletivu konsumu ba masin-midar no aumentu iha taxa aduaneira ba importasaun no aplika taxa anteriór 2.5%.





14 *Audita no halo revizaun, kuan-du presiza, ba “negósiu” boot ne’ebé hala’o iha governu uluk nia mandatu nia rohan.*

Governu forma ona ekipa servisu oin-oin hodi halo auditoria no halo revizaun ba negósiu “boot” balun ne’ebé Governu hala’o hodi Timor-Leste nia naran iha nia mandatu nia rohan.

Negósiu balun hala’o liu eleisaun parlamentár, no iha momentu ida ne’e, Governu uluk nian, tuir lei, iha poder de’it atu halo jestaun korrente. Nunê, presiza halo auditoria no revizaun ba “negósiu” sira-ne’e hodi fó prioridade ba sira ne’ebé iha impaktu boot liu ba kontas públikas, dezvoltamentu no estabilidade sosial. Porezemplu, bele temi kontratu atu halo reabilitasaun ba pista husi aeroportu internacional Prezidente Nicolau Lobato no kontratu Akizisaun Timor Telecom.

Iha kontratu sira ne’e, hanesan ho kontratu sira seluk ne’ebé iha hela auditoria, Governu deside se sira kontinua ka, karik iha hetan ilegalidade ka irregularidade ruma, se sira tenke hetan revizaun ka se tuir interese públiku deside atu remata.

15 *Asegura disponibilidade imediata ba ai-moruk hotu ne’ebé presiza ba ospital no sentru saúde sira.*

Governu estabelese Institutu Nasionál Farmácia no Produto Médico (FPM) liu husi Dekretu-Lei n. 56/2023 atu hola, liu-liu liu husi importasaun, produktu farmaséutiku no ekipamentu médiku sira, atu prodús produktu farmaséutiku no ekipamentu médiku sira, asegura kontrolu qualidade ba sasán sira ne’ebé sosa ka prodús husi Institutu no asegura prátika armazenamentu no distribuisaun ne’ebé di’ak liu ba Servisu Nasionál Saúde, no fa’an fali ai-

-moruk ba farmásia no unidade saúde nasional sira bainhira prezisa.

Governu kontinua hasaê nesiedade ba ai-moruk no produktu médiku no farmaséutiku sira seluk neêbé la iha iha ospital, sentru saúde no laboratóriu sira, no konklui kontratu ba fornecimentu urjente ba ai-moruk hotu-hotu neêbé la iha. Kontratu neê, ho valor dolar amerikanu millaun 5.9, hein aprova husi Kámara Kontas.

16 *Transforma merenda eskolár ba refeisaun hahán “manas” no nutrisaun ba labarik sira.*

Ministériu Edukasaun dezenvolve ona servisu koordenasaun ho ajénsia internasionál sira hanesan PAM, CARE Internasionál no FAO. Ministériu neê hala’o ona asaun observasaun no monitorizasaun iha eskola nasional no munisípiu sira, atu halibur informasaun kona-ba implementasaun Programa Merenda Eskolár nian. Entre fulan Jullu no Setembru, Governu kontinua hala’o atividade formasaun no distribuisaun ba Gia Implementasaun ba Diretór sira, Coordenador sira no Ekipa Jestaun Programa iha eskola sira. Iha trimestre ikus, sei identifika nafatin eskola sira neêbé la iha kondisaun iha sira-nia facilidade dapur, haris-fatin no asesu ba bee-moos, hodi aselera prosesu distribuisaun material apoiu nian.

17 *Atu hadi’a kondisaun asisténsia no tratamentu ba ema ho defisiénsia sira iha Sentru Reabilitasaun Nasionál no, iha futuru, atu kria sentru hanesan iha munisípiu hotu-hotu.*

Governu estabelese Konsellu Nasionál ba Ema ho Defisiénsia, inklui Sekretariadu. Konsellu Nasionál sei buka atu implementa objetivu sira tuir mai neê: atu enkoraja kriaun ba negósio sira neêbé auto sustentavel ba sidadaun deficiente sira; atu harii facilidade sira neêbé





iha asesibilidade no atu fornese ekipamentu iha instituisaun públiku sira ho asesu fasil; atu dezanvolve programa apoiu ba família no comunidade sira neêbê ema ho defisiénsia sira integra; atu kria kondisaun apropriadu sira iha Sentru Reabilitasaun Nasionál, atu haluan sentru hirak-neê ba munisípiu hotu-hotu, agora daudaun neê iha estudu no prosesu atu identifika fatin sira ba estabelesimentu sentru sira iha munisípiu sira.

Hala'õ Auditoria ba Sentru Nasionál Reabilitasaun, husi Gabinete Inspesaun no Auditoria MSSI nian, neêbê lori ba ezonerasaun husi Diretór no Vise-Diretór Sentru Nasionál Reabilitasaun nian no, iha koordenasaun ho Komisaun Funsaun Publika nian, nomeia Diresaun foun, ho objetivu atu promove reabilitasaun ba ema ho defisiénsia sira ho efektivu liu husi prestasaun servisu espesializadu sira, nuneê mós hodi garante oportunidade hanesan, kombate diskriminasaun no partisipasaun ema ho defisiénsia sira-nian iha área hotu-hotu moris sosiál nian. La'õ daudaun mós prosesu hadi'a fatin fíziku Sentru Nasionál Reabilitasaun Becora nian.

18 *Halo levantamentu atu hatene nesesidade prinsipál sira atu mantein estrada no normaliza mota sira iha nasaun laran tomak, atu nuneê bele hahú servisu reabilitasaun emerjénsia iha tinan oin mai.*

Governu identifika no avalia projetu no servisu infraestrutura hotu-hotu neêbê la'õ hela atu nuneê bele fó dalan ba planu infraestrutura neêbê loos no reestruturadu, ho foku ba estadu estrada sira neêbê saê iha nasaun laran no ba mota sira neêbê presiza normaliza, molok tempu udan hahú.

Tanba neê, aleinde levantamentu neêbê halo ba projetu no infraestrutura hotu-hotu neêbê la'õ hela iha nasaun neê, no atu hasaê nesesidade prinsipál sira iha manutensaun estrada, hamoos no normaliza área tasi-ibun sira iha sidade Dili, la'õs de'it husi IGEADI, maibé mós husi funsionáriu no empresa kontratada sira, hodi prevene inundasaun sira neêbê akontese baibain iha Dili durante tempu udan.

Konsellu Ministru, liu husi Rezolusaun Governu nian, aprova tan planu intervensaun emerjénsia nian, atu fasilita no harii fali infraestrutura sira neêbê afetadu husi dezastre sira neêbê akontese entre 2 no 7 Julu 2023 iha munisípiu nasional ualu.



Realizasaun Prinsipál sira

Tuir mandatu ne'ebé povu fó, Governu Kons-
titusionál Da- IX mós halo ona kompromisu
lubuk ida, ho objetivu atu kontinua dezentvol-
ve kapitál sosiál, dezentvolve infraestrutura,
dezentvolve setór ekonomia, konsolidasaun
governu no governasaun di'ak no kombate
korrupsaun. Kona-ba medida hirak-ne'e, de-
zentvolvimentu hirak tuir mai hala'ò ona iha
loron 120 dahuluk governasaun nian:

Kontinua Dezentvolvimentu ba Kapitál Sosiál

*“Rikusoin loloos husi Nasaun ida mak ninia
povu nia forsa. Másimu saúde, edukasaun no
kualidade moris povu Timor-Leste nian mak
esensiál atu alkansa Nasaun ida-ne'ebé justu no
dezentvolvidu.”*

Garante kualidade profesór sira iha sistema hanorin

Governu halo análize kle'an ida kona-ba pro-
fesór sira ne'ebé mak servisu hamutuk ho
Komisaun Funsan Publika, atu nune'e bele
kompleta prosesu profesór 5.009 sira ne'ebé
mak iha rejime espesiál. Governu hakarak atu
asegura rekursu umanu ne'ebé suficiente no
adekuaudu hodi hala'ò ninia funsaun sira iha

área edukasaun, promove kualifikasaun no tau rekursu sira-neê tuir país nia nesesidade atuál sira.

Governu kontinua promove Estatutu Karreira Mestre sira-nian, atu aseguira qualidade hanorin no profesór sira-nian, liu husi promosaun ba meu selesaun, aferisaun no afetasaun rekursu sira neêbê bazeia ba méritu no profesionalizmu no adapta ba nesesidade nasional sira.

Reestruturasaun Kuadru Pesoál iha Setór Edukasaun

Tuir Sistema Nasionál Ensinu Báziku no Sekundáriu no Programa Edukasaun Pre-Eskolár no Infantíl, Ministériu Edukasaun identifika ona númeru profesór sira neêbê tau iha instituisaun ensinu públiku atu aseguira distribuisaun neêbê loos ba profesór no edukadór sira iha territóriu laran tomak, atu nunêe la iha situasaun ida ho profesór sira barak liu no seluk tan ho profesór sira neêbê la toò.

Husi ezersísio ida-neê neêbê sei remata toò tinan ida-neê nia rohan, sei hetan leitura di'ak husi kuadru pesoál sistema edukativu nian no nesesidade ba rekrutamentu profesór sira ba tinan oin mai.

Revizaun ba infraestrutura eskola no reforsu implementasaun programa BEST (Basic Education System Transformation)

Iha parseria ho Banku Mundial, iha programa konstrusaun infraestrutura eskola nian neêbê hetan atrazu. Governu, liu husi Ministériu Edukasaun, desenvolve ona esforsu atu identifika problema no irregularidade sira neêbê mak iha programa ida-neê nia kotuk, define fali estratéjia sira no hadi'a koordinasaun Interministeriál hodi aselera prosesu neê.

Tanba neê hein katak toò 30 Juñu 2025, kompleta parke eskolár foun, ho eskola foun 10 neêbê sei hahú iha 2023, no 69 iha 2024. Iha âmbito programa BEST nian, sei iha nafatin aspetu formasaun nian, akompañamentu pedagójiku ba profesór sira iha área rural sira, impresaun ba livru sira, revizaun kuríkuulu sira husi 1º, 2º no 3º Siklu husi Ensinu Báziku, nunêe mós desenvolvimentu programa SIGE/EMIS nian ba dexentralizasaun husi jestaun eskolár, no projetu sira-neê hotu laò hela.

Ikus liu, dezeńu no konteúdu ba livru 30 ba biblioteca eskola hodi haburas sira-nia hanoin no facilidade atu lee no promove literasia ba labarik sira.

Revizaun ba kuríkuulu husi 3.º siklu Ensinu Báziku

Hahú tiha ona análise no revizaun ba 3.º siklu Ensinu Báziku, liu husi apoiu tékniku neêbê kompetente ho avaliasaun di'ak ba dixiplina hotu-hotu, neêbê tenke remata iha fulan Dezembru tinan ida-neê. Governu hakarak aseguira katak estudante hotu-hotu iha asesu ba manuál eskola no materiál apropriadu sira atu desenvolve abilidade husi sékulu 21.

Konkluziun husi avaliasaun no análise ba Programa Eskola iha Uma

Prosesu avaliasaun no análise ba implementasaun Programa Eskola iha Uma neê remata ona ba labarik sira ho idade tinan 3-7 neêbê seidak iha asesu ba ensinu báziku. Programa ida-neê sei hetan reestruturasaun ba preparasaun di'ak liu husi labarik sira ba ensinu formál ("school readiness"), inklui konteúdu materiál aprendizajen no estratéjia implementasaun.

Fortalesimentu husi Eskola EMULI ba edukasaun inkluziva

Dezenvolve tiha ona esforsu atu alkansa finansiamentu ba kontinuasaun implementasaun programa EMULI, no rekrutamentu ba koodenador foun ida ba programa ida-neê, atu nunê bele alkansa implementasaun iha tinan 2026. Ida neê sei aumenta nafatin programa neê ba munisípiu barak liu. Nunê mós, ho objetivu atu hetan edukasaun inkluziva, INFORDEPE dezenvolve kursu formasaun ba profesór sira husi EMULI.

Hadi'a jestaun eskolár

Atu hadi'a jestaun eskolár, halo revizaun ba prosesu konsesaun eskolár husi ensinu bázika, inklui eskola bázika privadu no dezenvolve prosesu aprovizionamentu ba komputadór no motorizada, hodi suporta eskola bázika sentrá no ensinu sekundária.

Hadi'a nutrisaun iha eskola sira

Aleinde Programa Merenda Eskolár, neêbê ho objetivu atu aseguira katak labarik hotu-hotu iha dieta nutrisaun atu hadi'a sira-nia dezempeñu saúde no eskola, Ministériu Edukasaun ho CARE-internasionál, no ho apoiu husi programa HATUTAN, sira lansa ona programa formasaun nutrisaun iha ambitu merenda eskolár. Tan neê, eskola sira fahe revista “*la-faek*” kona-ba nutrisaun.

Atu aseguira katak Programa Merenda Eskolár konsidera nutritivu no saudavel, Ministériu Edukasaun dezenvolve ona mekanizmu koodenasaun ho CARE Internasionál, ho PAM no FAO, laós de'it atu halo monitorizasaun di'ak liu ba programa neê, maibé mós atu implementa manúál no formasaun sira, atu nunê bele aseguira objetivu sira husi programa neê.

Timor-Leste partisipa iha Simeira Global kona ba Merenda Eskolár

Timor-Leste partisipa iha Primeira Simeira Global husi Koligasaun Merenda Eskolár, neêbê halaò iha Paris husi loron 18 to'o 19 fulan-outubru, ho tema “*Merenda Eskolár ba Futuru ida-neêbê igualitáriu no inkluzivu liu.*”

Koligasaun ida-neê, neêbê lansa iha tinan 2021 husi Fransa no Finlandia, ho apoiu husi Programa Ai-han Mundial (PAM), ninia objetivu mak atu aseguira katak to'o tinan 2030 labarik hotu iha mundu iha asesu ba hahán eskola neêbê saudavel. Hanesan Governu defende, liu husi ninia medida “merenda eskolár,” no internasionál defende katak merenda eskolár iha knaar importante laós de'it iha saúde no edukasaun labarik nian, maibé mós iha kriaun sistema empregu no ai-han neêbê sustentavel.

Estabelesimentu mekanizmu koodenasaun ba koodenasaun efikás husi servisu sira liu husi kriaun Asaun Konjunta ba Edukasaun Timor-Leste (ACETL)

Órgaun ACETL mak Ministériu Edukasaun no organizasaun naun-governamental sira, ho natureza nasional no internasionál, atu koodena no fahe informaun kona-ba implementasaun programa, fasilita no fahe prátika di'ak sira no koodena apoiu finanseiru husi Ministériu Edukasaun.

Implementasaun Eskola CAFE iha Postu Administrativu hotu-hotu

Iha kontaktu ho Governu Portugal atu konsolida Sentru Aprendizajen no Formasaun Eskolár (CAFE), kooperasaun entre Portugal no Timor-Leste. Progresu atu adapta estrutura CAFE nian ba estrutura instituisaun eskola

Timor-Leste nian, ho kuríkulu neêbé vigora iha nasaun neê, no vontade atu reforma prezensa profesór portugés sira iha Timor-Leste.

Mós kona-ba eskola CAFE, Ministériu Edukasaun foti ona provizaun atu aselera projetu konstrusaun.

Konsesaun Rai husi Governu Escola Portuguesa de Díli

Ho identifikasaun rai ba konstrusaun instalaun foun sira husi Escola Portuguesa de Díli, neêbé marka prezensa iha nasaun neê dezde 2002, bele aumenta, hodi permite aumentu iha númeru alunu no reforsu lian no edukasaun Portugés nian iha nasaun neê.

Estabelesimentu Komisaun Koordinadora ba Universidade no Institutu Superior sira

Proposta neê elabora no halo referénsia ba Komisaun Koordinasaun ba Universidade no Institutu Superior sira (CUIS) no aprova ona Regulamentu neêbé define regra operasaun no estrutura órgaun konsultativu ida-neê nian.

Hadi'a mekanizmu jestaun instituisaun ensinu superiór sira-nian

Lansamentu Sistema Jestaun Dadus Ensину Superior Timor-Leste (SGDES-TL) la'o hela, no faze ligasaun institusionál neê hala'o hela ba sistema.

Governu mós konkorda kona-ba rezultadu husi relatóriu monitorizasaun ba instituisaun superiór, privadu no públiku sira (instituisaun 19).

Mestradu iha Edukasaun iha UNTL iha kooperasaun ho Brazil

Iha loron 18 Agostu 2023, serimónia asinatura akordu kooperasaun no implementasaun entre Timor-Leste no Brazil hala'o husi Mestradu ida iha Universidade Nasionál Timor-Leste (UNTL).

Projetu ida-neê envolve kolaborasaun entre Universidade Federal Santa Catarina (UFSC) Brazil no UNTL ba implementasaun Mestradu iha Edukasaun iha Universidade Timor-Leste, neêbé prevee profesór sira husi UFSC mai iha Timor-Leste durante tinan rua atu hanorin iha mestradu neêbé temi ona iha leten. Projetu neê mós envolve vizita husi profesór Timor-oan sira atu hetan formasaun iha Brazil.

Asinatura Akordu Kooperasaun ba Dezenvolvimentu Rekursus Umanus

Prepara ona no asina ona akordu kooperasaun ho Universidade Aveiro, Portugal, no Institutu Politékniku Palembang, Indonézia, iha área Fundu Dezenvolvimentu Kapitál Umanu, ba formasaun husi timoroan sira ho bolsa estudu.

Halo diagnóstiku situasional ba dezafiu boot sira iha área saúde

Halo ona diagnóstiku ida kona-ba dezafiu prinsipál sira neêbé hasoru iha servisu no unidade saúde oin-oin, inklui servisu sentrá no instituisaun autónoma sira neêbé kompostu husi Administrasaun Estatál Direta iha área Ministériu Saúde, Ospital Guido Valadares, Institutu Nasionál Saúde Publika, Institutu Nasionál Farmásia no Produitu Médiku no Servisu Nasionál Ambulánsia no Emerjénsia Médika.

Kriasaun Institutu Nasionál Farmásia no Produtu Médiku sira

Governu estabesele Institutu Nasionál Farmásia no Produtu Médiku (FPM) atu hetan, liu-liu liu husi importasaun, produtu farmaséutiku no ekipamentu médiku sira, prodús produtu farmaséutiku no ekipamentu médiku sira, asegura kontrolu kualidade ba sasán sira neêbé sosa ka prodús husi Institutu no asegura prátika armazenamentu no distribuísiaun neêbé di'ak liu ba Servisu Nasionál Saúde, no fa'an fali ai-moruk ba farmásia no unidade saúde nasional sira bainhira presiza.

Sosa ai-moruk

Governu kontinua halo levantamentu ba nesidade sira kona-ba ai-moruk no produtu médiku no farmaséutiku sira seluk neêbé falta iha ospital sira, sentru saúde no laboratóriu sira, no konklui kontratu emerjénsia ida ba fornimentu ai-moruk hotu neêbé la iha, liu husi ajuste diretu husi SAMES antigu ba Ministériu Saúde. Kontratu neê, ho valór dolar amerikanu millaun 5.9, hein aprovasaun husi Kámara Kontas.

Iha SAMES nia laran, eis Diretór Ezekutivu SAMES nian hetan ezonerasaun no halo nomeasaun ba Diretór Institutu Nasionál Farmásia no Produtu Médiku (INFPM).

Rejime Juridiku Asisténsia Médika iha Estranjeiru

Diploma ida-neê estabesele rejime legál ba direitu ba asisténsia médika iha rai-li'ur ba benefisiáriu sira husi Servisu Nasionál Saúde nian neêbé hela iha Timor-Leste, neêbé sei kobre situaasaun sira neêbé benefisiáriu neê lokaliza temporáriu iha rai-li'ur, neêbé presiza asisténsia médika urjente no inkompativel ho atrazu atu fila fali ba Timor-Leste.

Hakotu rubeola iha Timor-Leste

Organizasaun Mundial Saúde Sudeste Aziátiku anunsia ona iha 21 Jullu 2023 katak Timor-Leste nu'udar nasaun ida husi nasaun rua iha parte sül- leste iha Ázia atu halakon kazu rubeola iha nia territóriu.

Anúnsiu neê hala'ò hafoin sorumutu Komisaun Verifikasaun Rejionál, ekipa especialista independente ida-neêbé hala'ò sorumutu iha Bangkok, Tailandia, iha fulan Juñu. Timor-Leste halakon tiha ona nivel ida-neê iha 2018 no agora rekoñese husi OMS no UNICEF liu husi progresu neêbé hetan ona iha nivel nasional imunizasaun.

Rubeola hanesan moras neêbé kontajiozu tebes, neêbé bele hamosu problema saúde sériu no problema ida-neêbé irreversivel ba bebé foin moris, neêbé inan hetan infesaun durante isin-rua.

Kampanha Nasionál atu Promove Susu Inan nian

Ministériu Saúde, iha kolaborasaun ho Organizasaun Mundial Saúde, UNICEF no parseiru sira seluk, lansa ona iha lora 11 Agostu 2023 kampanha Nasionál ba Promosaun Susu Inan nian iha Suku Gariuai, Baucau. Kampanha neê, neêbé tama iha Semana Mundiál Susu Inan nian, sei habelar ba munisípiu nasional hotu.

Kampanha Doasaun Raan

Ministériu Saúde, iha kolaborasaun ho Ospital Nasionál Guido Valadares (HNGV) no Organizasaun Mundial Saúde Timor-Leste, hala'ò eventu ida iha lora 25 Jullu 2023 iha HNGV kona-ba promosaun ba doadór raan no sensibilizasaun ba Lora Mundial ba raan iha tinan ida-neê: “*Fó raan, fó plasma, fahe moris, fahe beibeik.*”

Kombate Malnutrisaun iha Timor-Leste

Vise-Primeiru-Ministru no Coordenador Asuntus Sosiais no Ministru Dezenvolvimentu Rural no Abitasaun Komunitária, iha loron 18 fulan-setembru tinan 2023, prezide sorumutu koordenasaun ida ho ajénsia parseiru internasionál sira Governu nian atu rezolve problema malnutrisaun no nanonizmu iha nasaun neê.

Partisipa iha sorumutu representante oin-oin husi ajénsia internasionál sira, inklui JICA, UNICEF, Banku Mundial, KOICA, UE, UNFPA, UNDP, PAM, FAO, OMS, ADB no IFC. Sorumutu neê ninia objetivu prinsipál mak atu diskute estratéjia sira atu rezolve problema malnutrisaun iha Timor-Leste, neêbé agora daudaun afeta 47% husi populasau. Aleinde malnutrisaun, asuntu hirak-neê mós ko'alia kona-ba dezafiu hirak neêbé foin-saê sira hasoru, hanesan empregu, edukasaun no saúde.

Ho objetivu atu aseguara koordenasaun efeti-va ba esforsu sira no atinje país tomak, inklui área rural no remota sira, sei estabelese Grupu Traballu Tékniku Nasionál ida ba Dezenvolvimentu Primeira Infánsia (PDI) no Komité Diresaun ba Programa, ho objetivu atu armoniza no monitoriza servisu sira-neê, atu nunê bele hadi'a efisiénsia iha implementasaun programa sira, tuir prioridade sira husi Governu Konstitusionál IX Timor-Leste nian.

Grupu Traballu Tékniku sei fó kontribuisaun téknika ba dezenvolvimentu Polítika Multisectorial DPI nian no sei fó apoiu ba Komité Diresaun iha koordenasaun no monitorizasaun ba ninia implementasaun.

Programa kombate malnutrisaun iha Timor-Leste ho apoiu husi Reinu Unidu

Ministru Reinu Unidu ba Indo-Pasifiku Anne-Marie Trevelyan halo vizita ofisiál ba Timor-Leste husi 29 setembru toô 2 outubru no, iha

vizita neê nia laran partisipa iha lansamentu husi programa konjuntu husi Governu Timor-Leste no Governu Reinu Unidu no UNICEF hodi kombate malnutrisaun infantíl iha Timor-Leste Finansiadu husi Governu Britaniku, programa neê ho objetivu atu fó forma-saun ba grupu apoiu sira iha comunidade atu identifika kazu malnutrisaun no fornese koñesimentu esensiál ba kuidadu sira kona-ba prá-tika nutrisaun ba labarik sira.

Anne- Marie Trevelyan mós partisipa iha eventú “Feto iha Lideransa,” neêbé rezulta husi parseria entre Governu Timor-Leste no UN Women neêbé hetan fundus husi Reinu Unidu. Inisiativa ida-neê ho objetivu atu promove feto sira-nia partisipasaun iha seguransa, rezolusaun konflitu no polítika dezenvolvimentu.

Adosaun ba akordu seguransa sosiál no mobilidade ho Portugal

Governu aprova ona akordu rua ho Portugal iha área seguransa sosiál, inklui mós memorandum ida kona-ba mobilidade traballadór timoroan sira-nian. Ida neê hanesan akordu administrativu ida ba implementasaun Konvensaun Seguransa Sosiál Timor-Leste no Portugal nian no memorandum komprensaun ida kona-ba mobilidade traballadór timoroan sira-nian.

Akordu iha área Seguransa Sosiál sei fó dalan hodi permite sidadaun Timor-oan no Portugés sira hetan benefísiu husi benefísiu neêbé hanesan husi Seguransa Sosiál husi nasaun ida-idak.

Ajustamentu dadus husi programa Bolsa da Mãe Kondisionál

Governu continua atu ajusta fali dadus benefisiáriu 55.185 husi munisípiu 12 no RAEOA iha área programa Bolsa da Mãe. Kona-ba Programa Bolsa da Mãe – Jersaun Foun, da-

dus sira-neê kompleta ona atu hahú programa neê ba munisípiu hotu.

Revizaun ba Planu Estratéjiku Sekretaria Estadu Igualdade 2023-2028

Hafoin halo levantamentu dadus no konsulta ho parseiru nasional no internasionál sira, Sekretaria Estadu Igualdade desenvolve ona planu estratéjiku ida kona-ba igualdade jéneru no igualdade iha Timor-Leste neêbê sei implementa iha tinan 2023 to'o 2028.

Hala'o mós, durante períodu ida-neê, asaun sensibilizasaun ba lider fetu sira iha suku no comunidade sira, prevensaun ba violénsia doméstika no bazeia ba jéneru, no revizaun ba Lei Traballu Doméstiku, inklui direitu traballadór sira-nian iha rejime servisu doméstiku, neêbê liu liu fetu sira mak hala'o.

Akordu parseria atu habelar direitu labarik no internet segura

Governu Timor-Leste, liu husi Sekretáriu Estadu Komunikasaun Sosiál no Representante UNICEF iha Timor-Leste, asina ona akordu ida iha 11 Setembru 2023 hodi estabelese planu servisu tinan rua nian.

Planu ida-neê iha komponente sensibilizasaun ba utilizasaun internet ida-neêbê saudavel no kapasitasaun ba rekursus umanus no fornese ekipamentu estasaun rádiu komunitária nasional nian, ho objetivu atu kria no disemina informasaun etiku no atuál kona-ba direitu labarik.

Protesaun direitu labarik nian

Aleinde promove no partisipa iha Konferénsia Internasionál kona-ba “*Reforma Kuidadu*

Labarik, Promosaun no Defeza ba Desenvolvementu Integradu Labarik Timor-Leste nian,” no mós iha Konferénsia “*Garante Asisténsia Emerjénsia ba Labarik no Joven sira iha Risku*,” ho objetivu atu defende direitu labarik sira-nian no fornese moris-di'ak no desenvolvimentu, kontinua proteje no promove direitu labarik sira-nian husi perspetiva legál, finansiera no institusionál. Kontinua mós desenvolve programa sensibilizasaun no konxiansalizasaun husi sosiedade no inkluzsaun sosiál.

Planu Estratéjiku Institutu Protesaun Direitu Labarik (INDDICA)

Planu Estratéjiku INDDICA ba períodu 2024 to'o 2028 remata ona no kestaun sira kona-ba protesasaun direitus labarik nian kontinua (inklui, entre sira seluk, nesiedade ba apoiu psikolójiku, kazu abuzu seksuál, violénsia fiziku no psikolójiku hasoru labarik, podér paternal no kestaun husi labarik órfaun). Hala'o mós prosesu ida-neê relasiona ho apoiu eskola no asesu ba merenda eskolár, no reforsu direitu labarik sira-nian.

Promosaun husi Deklarasaun Maubisse 2023-2028

Loron Mundial Fetu iha Area Rural celebra ho tema “*Fetu prontu atu lidera, atu sai husi hamlaha no kiak*” ho objetivu atu fó kbiit ba fetu sira iha área rural iha sira-nia prosesu desenvolvimentu rasik. Programa sira seluk neêbê ho objetivu atu promove fetu sira-nia direitu no kondisaun kontinua implementa, hanesan luta hasoru violénsia doméstika, implementasaun orsamentu liu hosi programa sensível ba jéneru, apoiu ba fetu inan no edukadór, no apoiu ba empreendedorizmu no kriaun rendimentu ba fetu sira.

Estabelesimentu sentru kuidadu ba katuas sira iha kada postu Administrativu

Atu implementa medida sira Governu ida-ne'e nian atu kria kondisaun moris ne'ebe di'ak liu ba sidadaun sira ne'ebe eroi moris husi Nasaun, kria ona kondisaun sira atu harii Sentru Kuidadu iha Postu Administrativu sira atu apoia katuas sira. Iha sentidu ida-ne'e, programa ida-ne'e mós la'o daudaun atu halo levantamentu ba ferik-katuas sira ho idade tinan 70 liu, maibe sira kontinua fó apoia finanseiru no desenvolve kampaña sira ho família no komunidade sira atu hasa'e konxiénsia kona-ba kamada populasionál ida-ne'e. Sei iha hela prosesu atu kria programa tratamentu profisionál ba ferik-katuas sira, atu okupa tempu livre no integra iha komunidade sira.

Nomeasaun ba Prezidente foun Institutu Nasionál ba Kombate HIV/SIDA I.P. (INCSIDA)

Sr. Daniel Marçal hetan nomeasaun nu'udar Prezidente Institutu Nasionál ba Kombate HIV/SIDA I.P., ne'ebe sei avalia no monitoriza husi Institutu ne'e atu alkansa objetivu foun sira ba instituisaun ne'e.

Durante período ne'ebe refere iha relatóriu ida-ne'e, kontinua servisu atu hasa'e konxiénsia, monitorizasaun, prevensaun no apoia ba ema infetadu sira.

Hadi'a kondisaun moris ema ho defisiénsia sira-nian

Atu hadi'a kondisaun asisténsia ba ema ho defisiénsia no ema ho nesesidade espesial sira, Governu estabelese Konsellu Nasionál ba Ema ho Defisiénsia sira, inklui mós Sekretariadu, ne'ebe servisu hodi kria kondisaun moris ne'ebe sustentavel liu ba populasau vulnerável sira-ne'e. Konsellu Nasionál buka atu imple-

menta objetivu sira tuir mai ne'e: atu estimula kriaun ba negósiu auto sustentavel sira ba sidadaun deficiente sira; atu harii fasilidade sira ho asesibilidade no atu fornese ekipamentu iha instituisaun públiku sira ho asesu fasil; atu desenvolve programa apoia ba família no komunidade sira ne'ebe integra ema ho defisiénsia sira; atu kria kondisaun apropriadu sira iha Sentru Reabilitasaun Nasionál, hodi habelar sentru hirak-ne'e ba munisípiu hotu.

Validasaun Rejistu Dadus Veteranus 2009

Rejistu daruak kona-ba dadus veteranus sira iha tinan 2009 hetan ona validasaun ho suse-su ba munisípiu 13 no RAEOA. Veteranu no martir sira kontinua hetan onra no omenajen liu husi asaun oioin ne'ebe la'o husi harii monumentu, apoia ba sira no ba sira-nia família rasik.

Apoia ba Asosiasaun Arte no Kultura País nian

Asosiasaun Arte no Kultura hetan apoia husi Governu hodi enkoraja joven sira ne'ebe iha talentu iha área arte no kultura oin-oin, ho objetivu atu afirma identidade Timor-Leste nian no promove sira-nia partisipasaun iha forum internasionál sira.

Lansamentu Espozisaun Permanente "Tais Timor"

Espozisaun permanente "Tais Timor," ne'ebe loke iha loron 25 Agostu 2023, ho objetivu atu promove identidade kulturál nasional. Espozisaun ne'e hetan iha Sekretaria Estadu Arte no Kultura, ho tema "*Expografiku Tais, Tais Tradisionál Timor-Leste - Patrimóniu Kulturál Imaterial*" dezde loron 28 fulan-agostu tinan 2023. Espozisaun ne'e organiza husi Sekretaria

Estadu Arte no Kultura ho apoiu husi UNESCO, UN Women, Timor AID no Fundasaun Alola, ho objetivu atu kontribui ba prezer-vasaun no promosaun patrimóniu kulturál, liuliu, hodi subliña importánsia husi sentidu pertensa ba kultura Timor-Leste, no defeza identidade nasional, neêbé reforsa husi patri-móniu tradisionál no kulturál.

Partisipasaun husi iha atleta nasional sira iha Jogu Ázia iha Hangzong, Xina

Governu fó apoiu ba partisipasaun husi atleta no ofisiál na'in 61 iha Jogu Ázia neêbé hala'o iha Xina iha fulan Setembru 2023. Neê nu'udar partisipasaun digna no ho rezultadu neêbé hein ona.

Reorganizasaun ba atividade sira husi Artes Marsiais no rezolve konfliktu sira entre Organizasaun Artes Marsiais¹

Halo alterasaun ba Dekretu Lei neêbé estabele Komisaun Reguladora Arte Marsial nu'udar instituisaun administrasaun publika indireta Estadu nian, atu nuneê bele tama iha administrasaun direta Estadu nian. Sorumutu sira-neê mós organiza entre organizasaun sira husi Artes Marsiais no sansaun sira aplika ba grupu sira neêbé participa iha konfliktu.

Ho reorganizasaun ba estrutura foun no rezolusaun ba konfliktu sira, hein katak atividade sira husi Artes Marsiais iha nasaun neê bele sai pasifika no promove koezaun no estabilidade nasional.

Nomeia membru sira Komisaun Nasionál Desportu

Atu promove desportu iha nivel nasional, membru sira husi Komisaun Nasionál Desportu sira hetan nomeasaun no apoiu ba pré-miu ba atleta kompetisaun internasionál sira, liuliu atleta sira husi Jogu Olimpiku espesial sira.

Vizita husi Manny Pacquiao ba Timor-Leste

Eis-boxer Manny Pacquiao vizita Timor-Leste durante loron 2, ho agenda ida-neêbé Ministériu Juventude, Desportu, Arte no Kultura halo, neêbé inklui sorumutu ho autoridade lokal no representante sira. Vizita neê uza atu motiva atleta timoroan sira husi modalidade neê.

Konstrusaun ba edifisiu foun husi RTTL no haforsa ninia kapasidade operasionál

Iha 11 Agostu 2023, Programa Nasoins Unidas ba Dezenvolvimentu no Governu Japaun asina ona Akordu Interkambiu Nota ida ho valór maizumenus dolar amerikanu millaun 6 ho objetivu atu apoia reforsu kapasidade operasionál Rádio Televizaun Timor-Leste (RTTL) no harii edifisiu neêbé foun. Serimónia assinatura neê hala'o iha instalasaun Nasoins Unidas nian iha Dili. Edifisiu RTTL, neêbé afeta husi inundasaun boot, sofre ona arranju temporáriu, no hein katak sei hala'o operasaun iha trimestre dahuluk tinan 2024.

¹ Governu, iha loron 10 fulan-novembru tinan 2023, determina ona suspensaun ensinu, aprendizajen no prátika arte marsial no adosaun (ka foti) medidas hodi assegura ordem pública

Asesu ba informasaun liu país nia kapitál

Asina ona kontratu ida ho meu komunika-saun nasionál hotu-hotu neêbé impressu (5) hodi sosa kopia jornál sira atu fahe ba muni-sípiu sira.

Programa televizaun “Governu Rona”

Asina ona kontratu ida ho meus komunika-saun sosiál (2) ba produsaun programa mensál ida ho título “Governu Rona,” hodi kontribui ba audiénsia sosiedade sivil kona-ba ativida-de governu nian, no transmisaun dokumentu lubuk ida-neêbé SEKOMS prodús, hodi kon-tribui ba divulgasaun informasaun kona-ba Governu. Iha sentidu ida-neê mós asina ona kontratu ida ho meu komunikaun online (18), hodi hato’o atividade governu nian no fó apoiu indiretu ba meu komunikaun sira-neê.

Formasaun iha lian Portugés ba jornalista no profisionál komunikaun governu nian

Formasaun intensiva husi lian portugés ba jornalista sira no asesór imprensa no ofisiál ko-munikaun sira lansa ona husi Consultório da Língua para Jornalistas.

Parseria ho UNICEF atu suporta rádiu comunidade no internet segura

Sekretaria Estadu Komunikaun Sosiál no UNICEF asina ona akordu ida-neêbé benefisia rádiu comunidade 18 husi país. Apoiu neê kompostu hosi fornimentu ba ekipamentu (komputadór, estabilizador enerjia, gravadór no seluk tan) no mós formasaun espesífiku sira neêbé ho objetivu atu hadi’a no atualiza kompeténsia jurnalizmu husi profisionál ko-

munikaun sosiál. Akordu neê ninia objetivu mak atu promove utilizaun internet ho ma-neira saudavel ho estudante sira.

Servisu Apoiu ba Sosiedade sivil

Asina ona maizumenus memorandu Entendi-mentu 150 ho grupu, Asosiasaun, Fundasaun no Grupu Relijiozu sira, tuir serbisu neêbé go-vernasaun uluk halo ona. Aleinde neê, dezen-volve ona servisu monitorizasaun no supervi-zaun husi obra neêbé uluk simu ona, liuliu ba igreja Protestante sira no kapela balun.

Polítika Nasionál Abitasaun no Programa Uma ba Ema Kbiit Laek

Implementasaun Programa *Uma ba Ema Kbiit Laek* (UKL) hanesan estratéjia desenvolvimen-tu sustentavel ida atu promove prosperidade sosiál no ekonómika atu nuneê bele muda no hadi’a kualidade moris no moris comunidade nian liu husi envolvimentu comunidade nian iha ninia desenvolvimentu. Governu sei harii uma neêbé di’ak ba populasun hotu neêbé kiak iha Timor-Leste, maibé korrije irregulari-dade sira neêbé hasoru iha prosesu ida-neê, ba implementasaun programa ida-neê ho rigo-rozu no transparente. Programa neê suspende to’o bele hahú fali ho responsabilidade no efi-siénsia.

Hala’o ona levantamentu kompletu no husi es-tudu hotu kona-ba setór abitasaun, inklui pro-jetu sira neêbé dezenvolve ona no nesesidade abitasaun komunitária nian, atu dezenvolve esbosu husi Polítika Nasionál Abitasaun nian neêbé sei apresenta iha Konsellu Ministrus iha tinan nia rohan.

*Asinatura akordu ho Ministériu
Komunikasaun no Informátika Indonézia*

Konsellu Ministrus konkorda atu autoriza akordu ne'e ho Ministériu Komunikasaun no Informátika husi Repúblika Indonézia atu haluan no hakle'an liután koordenasau bilaterál no kooperasaun iha área komunikasaun no informátika entre parte sira, hodi fornese, tuir lei no regulamentu sira ne'ebé eziste ona husi nasaun rua ne'e, enkuadramentu ida ba desenvimentu kooperasaun iha área komunikasaun no informátika iha Timor-Leste.



Kontinua Dezenvolvimentu ba Infraestrutura sira

“Pilár sentrál ida husi Planu Estratéjiku Dezenvolvimentu nian mak konstrusaun no mantensaun ba konjuntu husi infraestrutura produtivu sira.”

Kompleta konstrusaun no instalasaun Fibra Ótica

Prosesu atu harii no instala Kabu Submarinu Fibra Ótica liu husi CNA. Empreza ASN halao ona estudu ida iha tasi okos no oras ne'e prodús hela kabu submarinu no unidade ramifikasaun (*Branching Unit - BU*), ROADM (*Reconfigurable Optical Add/Drop Multiplexer*) no repetidor 8. Projetu ida-ne'e finansia husi Orsamentu Jerál Estadu.

Tuir mandatu Governu Konstitusionál IX nian, liu husi CNA, konklui ona prosesu aprovizionamentu ba konstrusaun kaixa vizita (*Beach Manhole*) husi empreza RMS no DXN ba instalasaun husi estasaun terrestre (*Cable Landing Station*) iha Bebonuk, Dili. Iha 22 Setembru 2023, MTC asina kontratu ho RMS no DXN.

Ba servisu esensiál sira ne'ebé sei tuir mai, sei presiza kriaun Ajénsia Estadu ida atu jere rede fibra ótica iha futuru.

Aumenta banda larga husi 200 MBps ba 1 Gbps.

Faze 7 husi Projetu Konetividade Nasionál - PCN remata tiha ona durante mandatu governu uluk nian. Orsamentu faze 7 PCN finansia husi Fundu Infraestrutura. Objetivu husi Projetu Konetividade Nasionál - PCN mak atu aumenta ligasaun 230 husi ajénsia governu no instituisaun estadu no edificiu públiku sira, iha nivel nasional no munisípiu sira, inklui

Ospital no Sentru Saúde balu, hodi aumenta númeru benefisiáriu sira husi projetu ne'e ba 599.

Prosesu konkursu ne'e remata tiha ona, nunee Governu Konstitusionál IX aumenta ona Banda Larga husi 200 MBbps ba 1 GBbps. Tanba ne'e, hahú iha 31 Agostu 2023 iha 00h00, MTC lansa ligasaun internét ho kapasidade 1 Gbps. Faze 7 husi Projetu Konetividade Nasionál - PCN mós permite atu asegura programa Governu Konstitusionál IX nian relasiona ho governasaun eletrónika.

Estensaun Aeroportu Internasionál Presidente Nicolau Lobato

Projetu Aeroportu Internasionál Presidente Nicolau Lobato nian sei iha faze revizaun. Governu sei decide oinsá mak kontinua ka karik interese públiku determina ida-ne'e la implementa.

Estinsaun husi ANAS, I.P. no ANE, I.P.

Institutu Públiku rua, Autoridade Nasionál Bee no Saneamentu (ANAS, I.P.) no Autoridade Nasionál ba Eletridade (ANE, I.P.), sai hetan estinsaun no sira-nia kompeténsia transfere ba Diresaun Jerál iha dependénsia husi Ministériu Obras Públicas, ho objetivu atu hadi'a efisiénsia no efikásia husi prosesu administrativu sira, hamenus burokrasia iha servisu sira, planeamentu ida-ne'e integradu no eficiente liu, ne'e odi atu tradús ba fornecimentu bee no saneamentu no servisu eletridade ne'e di'ak liu.

Monitorizasaun no manutensaun ba sistema abastecimentu bee nian

Konsellu Ministru aprova ona, liu husi Rezolusaun Governu nian, nesesidade atu mo-

nitoriza no proteje sistema abastecimentu bee nian no, liu-liu, rezolusaun lalais ba problema fornecimentu nian, avaliasaun no rehabilitasaun ba infraestrutura kadoras nian ne'e eziste, nunee mós rekonstrusaun posivel, hodi asegura fornecimentu bee ne'e adekua ba populasaun. Autoridade públiku sira ne'e kompetente mós hetan konvite atu koordena iniciativa sensibilizasaun kona-ba importáncia poupansa no utilizaun no infraestrutura kanalizasaun.

Produsaun eletridade husi enerjia renovavel

Iha faze elaborasaun intervensaun lejizlativa ida-ne'e kria rejime legál ba produsaun eletridade husi fonte renovavel sira, liuliu auto-produsaun no produsaun rasik, hodi hatama ba rede no fa'an ba EDTL, E.P., ba revenda ba konsumidór sira no ba kriaun comunidade enerjia renovavel sira.

Intervensaun infraestrutura urgente

Konsellu Ministru, liu husi Rezolusaun Governu nian, aprova ona planu asaun atu rehabilita no harii fali infraestrutura sira ne'e afetadu husi dezastre sira ne'e akontese entre 2 no 7 Julu 2023 iha munisípiu nasional sira. Hafoin rekuperasaun téknika ba danu sira-ne'e, konklui katak pontu 30 iha territóriu ne'e presiza intervensaun emerjénsia no imediata, enkuantu prosesu ne'e iha ona faze kontratu ba implementasaun, no estimativa katak servisu balun sei remata to'o tinan ida-ne'e nia rohan.

Identifika irregularidade sira iha projetu infraestrutura sira ne'e la'o hela

Hafoin hadi'a no analiza detalladu kona-ba dokumentasaun apoiu nian, identifika tiha

ona projetu lubuk ida-ne'ebé iha irregularidade, liuliu kona-ba projetu rehabilitasaun estrada no konstrusaun, konstrusaun ponte, no konstrusaun moru kontensaun nian. Projetu sira-ne'e sei identifika hela tanba la iha kontrolu tékniku, projetu sira ne'ebé la submete ba avaliasaun DNA, no projetu sira ne'ebé remata ona, la iha pagamentu ne'ebé husi Governu uluk. Governu foun ne'e hala'o hela inspesaun no auditoria, ho objetivu atu regulariza no reestruturá projetu sira ne'e.

Auditoria iha Laboratóriu Nasionál no IGEADI

Sei iha relasaun ho aumentu, análise no avaliasaun ba irregularidade sira iha setór infraestrutura, frakeza sira identifika ona iha Servisu Laboratóriu Nasionál, liuliu falta inventáriu, no Institutu Jestaun Ekipamentu no Apoiu ba Dezenvolvimentu Infraestrutura, I.P. (IGEADI), konsidera atu hala'o auditoria no investigaun. No importante atu hatudu katak parte ida husi kompeténsia IGEADI nian no estabilizasaun mota sira-nian no estabilizasaun ba marjen no talude sira.

Hadi'a jestaun servisu infraestrutura sira

Halo ona análise ida-ne'ebé klé'an kona-ba prestasaun servisu setór nian konklui katak iha nesesidade atu hadi'a sistema planeamentu, administrasaun funsionáriu sira no jestaun patrimoniu no prosedimentu administrativu sira. Nunee Governu halo reforma ba sistema planeamentu atu nunee bele integra ho estabelesimentu Unidade Planeamentu no Monitorizasaun no Unidade Inspeasaun no Verifikasaun.

Projetu Infraestrutura Komunitária ba Reziliénsia

Governu Timor-Leste asina ona akordu ida kona-ba Projetu Infraestrutura Komunitária ba Reziliénsia, ho Programa Nasoins Unidas ba Dezenvolvimentu no Governu Japaun, iha serimónia ida-ne'ebé hala'o iha loron 12 Outubru 2023.

Projetu ne'e, ne'ebé implementa entre tinan 2023 no 2027, hamutuk ho Ministériu Administrasaun Estatál no PNUD, ninia objetivu mak atu fó apoiu ba comunidade sira iha munisípiu tolu (Ermera, Bobonaro, Likisá) no Rejiaun Espesiál Autónoma Oe-Cusse-Ambeno liu husi konstrusaun no rehabilitasaun ba unidade infraestrutura hamutuk 40. Ida ne'e permite atu hadi'a asesu ba servisu esensial sira hanesan saúde, edukasaun, merkadu, irrigasaun, bee no saneamentu. Projetu ne'e mós atu promove kriaunsaun empregu iha tempu badak ba comunidade sira, ne'ebé envolve traballadór kualifikadu sira no la kualifikadu sira iha prosesu konstrusaun.

Levantamentu ba nesesidade prinsipál ba manutensaun estrada no normalizasaun mota iha rai-laran tomak

Aleinde levantamentu ba projetu no infraestrutura hotu-hotu ne'ebé la'o hela iha nasaun ne'e, no levantamentu ba nesesidade prinsipál sira iha manutensaun estrada, hamoos drenajen sira no normaliza mota sira iha sidade Dili, laós de'it husi IGEADI, maibé husi funsionáriu no empreza kontratadu sira, hala'o hodi prevene inundasaun sira ne'ebé akontese iha Dili durante tempu udan.



Kontinua Dezenvolvimentu ba Ekonomia

“Timor-Leste hanesan país ho rendimentu ki’ik ho setór privadu emerjente, ho diversifikasaun ekonómika limitadu no konsentradu liu iha produsaun agríkola. Maski nunê, ita-nia país iha oportunidade ekonomia neêbé boot no iha poténsia atu sai Nasaun ho rendimentu médiu.”

Levantamentu sistema irrigasaun iha nivel nasional

Halo ona peskiza ida kona-ba potensialidade husi sistema irrigasaun iha nivel nasional, inklui área sira neêbé kuda no área sira neêbé husik hela, hodi hasa’e produtividade agríkola. Nafatin akompaña projetu sira atu harii sistema irrigasaun iha nasaun neê.

Diagnóstiku atu habelar ai-horis kafé nian

Halo tiha ona diagnóstiku kle’an ida kona-ba área kultivu kafé no área potenciál sira ba rehabilitasaun no espansaun husi produktu agríkola ida-neê nian.

Levantamentu dadus kona-ba tratór sira ba apoiu agríkola

Hala’o peskiza ida-neêbé loos kona-ba tratór sira neêbé atribui ba projetu agríkola sira iha munisípiu 12 no iha Oe-Cusse Ambeno, neêbé nia relatóriu sei prontu iha Novembru.

Asinatura memorandu Entendimentu ho Menzies School of Health Research

Memorandu Entendimentu ida-neê sei hame-tin kontrolu ba balada sira iha país. Kontrola moras animál sira-neê sei permite dezenvolvimentu sustentavel iha setór animál no hadi’a país nia sistema saúde ai-han. Ida neê inklui mós apoiu ba Diresaun Nasionál Veterinaria.

Halo mós levantamentu iha munisípiu hotu-hotu kona-ba produsaun animál no pastajen no fornese formasaun ba benefisiáriu sira kona-ba jestaun produsaun animál.

Investimentu iha setór peska

Dezenvolve tiha ona esforsu atu dezenvolve setór peska, hamutuk ho parseiru nasional no internasionál sira, no halo levantamentu husi viveirus iha munisípiu hotu-hotu no hahú fali sentru viveiru iha fatin Vemasse. Iha setór peska, fahe ró no ekipamentu peska nian ba peskadór sira no hahú halo monitorizasaun ba produsaun ró nian.

Dezenvolvimentu ba floresta komunitária

Hahú programa manutensaun husi *ai kame-li* no produktu komersiál iha zona oin oin husi país no promove asaun formasaun ba grupu utilizadór florestál komunitária sira.

Reflorestasaun no sensibilizasaun ba kreximentu floresta ai-parapa.

Governu liu asaun sensibilizasaun kona-ba importánsia husi protesaun no konservasaun ba ekosistema ai-parapa besik komunidade sira lansa ona programa reflorestasaun ba ai-parapa sira hodi rekupera ai-horis neêbé eziste no hamenus ona iha tinan hirak-neê nia laran ba maizumenus metade. Programa ida-neê ninia objetivu mak atu promove biodiversidade tasi nian no prevene no atenua mudansa klimátika.

Medida sira atu estabiliza folin foos

Governu asina ona akordu lima ho importadór sira husi beins alimentares iha loron 17 Outubru 2023 hodi implementa intervensaun

temporáriu ba estabilizasaun folin foos iha merkadu.

Akordu sira-neê ho objetivu atu asegu ka-tak folin foos importadu, neêbé fa'an iha stock kompañia nasional sira neêbé fa'an foos, sei fiksa ho montante másimu dolar amerikanu 12 kada saku ho 25 Kg atu nunê bele fa'an ho másimu sentavus 50 kada kilograma foos.

Atu kumpre limite másimu ida-neê, kompañia nasional sira neêbé fa'an sasán ka operadór ekonómiku nasional sira neêbé importa sasán simu subsidiu \$5 kada saku ka 25 Kg, neêbé korresponde ba sentavus 20 ba kada kilograma foos.

Atu hetan asesu ba subsidiu neê, kompañia hirak-neê tenke hato'o aplikasaun ba pedidu pagamentu neêbé akompañia ho kopia autentikada husi Autoridade Alfandega, hodi verifika importasaun produktu neê tuir espesífikaun no períodu neêbé define iha Dekretu-Lei N. 76/2023 loron 29 fulan-setembru, neêbé define medida ida-neê. Kompañia lima neêbé formaliza akordu ho Governu mak Perissos Victoria Lda., Loja Creative Furak Lda., Lisun Importação no Exportação Lda., Jusibel Unipessoal Lda no Alfa Dili Unipessoal Lda.

Harii mós stock adisionál husi tonelada 30 mil, ba seguransa foos nian, atu nunê bele mantein iha Sentru Lojística Nasionál, ba intervensaun sosiál iha situasaun emerjénsia sira, liuliu iha inundasaun, dezastre nasional sira, razaun saúde nian, solidariedade sosiál no ba forneseimentu ba kompañia grossista sira, bainhira presiza.

Reforma institusionál no reestruturasaun setór Petróleu no Rekursu Mineral

Ba efikásia no efisiénsia husi instituisaun tutela ba Petróleu no Mineral sira, tuir sira-nian funsaun, presiza halo reestruturasaun insti-

tusionál ba setór neêbé rezulta husi divizaun husi ANPM, I.P. iha entidade rua: Autoridade Nasionál Petróleu ANP, I.P., neêbé iha responsabilidade atu atua hanesan autoridade reguladora iha setór petróleu, gás natural no ninia derivadu sira; no Autoridade Nasionál Mineral (ANM, I.P.), neêbé hetan ona knaar atu regula no dixeplina setór rekursu mineral sira.

Aleinde neê, Institutu Petróleu no Jeolojia (IPG, I.P.) hetan alterasaun ba Institutu Jeosiensia Timor-Leste (IGTL, I.P.) ho foku foun ba jeosiensia.

Mandatu TIMOR GAP, E.P., mós hetan alterasaun tuir Dekretu-Lei n- 31/2011, husi 27 fulan Jullu, atu nuneê bele garante atuasaun ida-neêbé efisiente no efetivu liu. Kompañia Mineira Timor-Leste nian submete ba prosesu likidasaun, no mós estabesele mós Murak Rai, E.P. ho objetivu atu halaõ prosesu ba atividade mineira sira.

Tomada de Posse ba responsavel foun husi Setór Petróleu no Minerais

Iha loron 22 fulan-setembru tinan 2023, Prezidente foun sira husi instituisaun públiku sira setór mina-rai nian no rekursu mineral sira simu Pose.

Nomeasaun no reforma hirak-neê ho objetivu atu halo revitalizasaun ba setór mina-rai Timor-Leste nian, atu hadi'a fali ninia dinámika no estabesele relasaun konfiansa ho interveniente, parseiru, no parte interesada sira seluk, tuir prioridade sira neêbé Governu Konstitusionál IX estabesele.

Prezidente sira neêbé foin hetan posse ba mandatu tinan haat mak:

- Rui Maria Alves Soares, Prezidente husi Konsellu Administrasaun no, tuir inerén-

sia, Prezidente husi Komisaun Ezekutiva husi TIMOR GAP, E.P. – Timor Gás & Petróleo, E.P. (“TIMOR GAP”).

- José Manuel Gonçalves, Prezidente husi Konsellu Administrasaun no, tuir inerén-sia, Prezidente husi Komisaun Ezekutiva husi Murak Rai Timor, E.P.
- Gualdino do Carmo da Silva, Prezidente husi Konsellu Diretivu husi Autoridade Nacional do Petróleo, I.P. (ANP).
- Rafael Danilson Magno de Araújo, Prezidente husi Konsellu Diretivu husi Autoridade Nacional dos Minerais, I.P. (ANM).
- Job Brites dos Santos, Prezidente husi Konsellu Diretivu husi Instituto de Geociências de Timor-Leste, I.P. (IGTL).

Enkuadramentu legál no regulatóriu ba kaptura no armazenamentu karbonu

Ministériu Petróleu no Rekursu Mineral, iha parseria ho Autoridade Nasionál Petróleu no Korporasaun Finanseira Internasionál (IFC), organiza semináriu ida-neêbé dedika ba kuardu legál no regulador ba kaptura no armazenamentu karbonu (CCS) iha Timor-Leste.

Eventu neê, neêbé halaõ husi 10 toõ 12 Outubru 2023, iha partisipasaun husi Autoridade Nasionál Maritima no representante sira husi liña ministeriál sira, inklui Defeza, Interior, Komérsiu no Indústria, Transporte no Komunikaun, no seluk tan.

Eventu neê ninia objetivu mak atu promove diskusaun kona-ba oinsá atu estabesele enkuadramentu legál ida-neêbé promove desenvolvimento projetu CCS nian iha nasaun neê, atu nuneê bele hamenus signifkativamente emisaun dioksidu karbonu, fatór neêbé Timor-Leste konsidera importánsia boot, liu-

liu bainhira kampu Bayu Undan hakbesik ba ninia produsaun nia rohan.

Projetu ida-neê bele tulun estimulasaun ekonomia nasional, enkoraja kriaunsaun empregu no hasa'e reseita estadu nian, tanba permite apoiu ba produsaun mina-rai, no mós hamenus emisaun dioksidu karbonu, neêbé konsidera katak iha interese rejional ba komersiun CCS ho Timor-Leste.

Hahú fali prosesu Great Sunrise

Iha loron 18 no 19 fulan-setembru tinan 2023, hala'o sorumutu produtivu ho parte interesada sira neêbé envolve iha Greater Sunrise, hanesan Woodside Energy no ho Representante Espesial Australia, Sr. Steve Bracks. Ida neê prevee atu hahú fila-fali negosiasaun sira ba tempu badak liu, neêbé envolve Governu Timor-Leste no Australia, no mós Timor GAP, E.P. Negosiasaun sira-neê sei afeta ba konkluzaun husi Kódigu esplorasun Mineira Petróleu, rejime fiskal no Kontratu Partilla Produsaun (CPP), neêbé hetan apoiu husi Estudu Selesaun Konseitu, hodi aliña espetativa no responsabilidade husi parte interesada hotu-hotu.

Ministru Prezidencia Konsellu Ministrus mós simu iha 17 fulan outubru 2023, delegasaun ida husi Osaka Gas Australia Pty Ltd, kompania enerjia ida, ho investimentu signifikativu iha projetu mina-rai no gás sira, neêbé integra konsórsiu Dezenvolvimentu Greater Sunrise nian (Sunrise Joint Venture) ho 10%, hamutuk ho TIMOR GAP, ho 56.6%, no Woodside Energy, ho 33.44%.

Durante sorumutu neê, ko'alia kona-ba estudu viabilidade sira kona-ba dezenvolvimentu Greater Sunrise nian, no mós kona-ba prosesu negosiasaun ho Australia kona-ba konseitu dezenvolvimentu rekursu.

Parseria Estratéjika iha Setór Petróleu no Rekursu Mineiru

Dezenvolve tiha ona inisiativa atu hadi'a parseria estratéjika sira iha setór neê, liuliu buka solusaun ba disputa sira entre TIMOR RESOURCES no TIMOR GAP E.P., inisiativa ida-neêbé konsistente ho esforsu sira atu optmiza operasaun sira no aseguza katak entidade hotu-hotu neêbé envolve servisu ho efetivu no kooperativu. Diskusaun neê hala'o mós ho SundaGas atu sosa bloku Chuditch.

Dezenvolve Planu Estratéjiku ba Ekonomia Azul

Dezenvolvimentu vizaun no estratéjia ba ekonomia Azul Timor-Leste nian hahú husi Gabinete Fronteira Terrestre no Maritima sira, ho preparasaun Planu Estratéjiku Asaun nian, neêbé sei submete ba Konsellu Ministrus atu hetan aprovasaun.

Nomeasaun husi lider foun ba Autoridade Turizmu nian

Hetan nomeasaun nu'udar Prezidente foun Konsellu Diretivu Autoridade Turizmu Timor-Leste, I.P. (ATTL, I.P.), Virglio Smith, no Vogál foun Konsellu Diretivu ATTL, I.P., Ildefonso de Carvalho.

Espozisaun Xina-ASEAN 2023

Timor-Leste partisipa iha Edisaun Da-20 husi Expo Xina-ASEAN 2023, husi loron 14 to'o 24 Setembru 2023, tuir konvite neêbé fó ba Timor-Leste, ba dahuluk, iha kualidade país observador.

Pavillaun Timor-Leste hatudu ninia artezanatu no instrumentu múzika tradisionál sira,

nunêe mós produktu agríkola sira hanesan kafé no foos. Hanesan plataforma kooperasaun importante ida entre Xina no ASEAN, Expo sei kontinua halaʼo ninia papél hodi promove parseria ida-neêbé komprehensivu entre Xina no Timor-Leste, bazeia ba benefísiu d'ak husi viziñansa, konfiansa no fó benefísiu ba malu.

Nomeasaun ba Adidu Komersiál sira

Iha loron 4 Setembru 2023 nomeia adidu komersiál sira tuir mai neê:

- Apolo da Silva atu halaʼo servisu Adidu Komersiál iha Embaixada Timor-Leste iha Jakarta, Indonesia;
- Felicia Soares, iha komisaun servisu atu halaʼo servisu Adidu Komersiál iha Embaixada Timor-Leste iha Lisboa; no
- Januário Gomes nu'udar komisaun servisu nian atu serve hanesan Asistente Tékniku ba Adidu Komersiál iha Konsuladu Jerál Timor-Leste iha Kupang, Indonesia.

Revizaun no dezvoltamentu diploma lejizlativu sira ba promosaun Komérsiu no Indústria

Iha tinan ida-neê sei aprova diploma legál no testu polítika sira tuir mai iha ámbitu prosesu adezaun Timor-Leste nian ba Organizasaun Mundial Komérsiu:

- Projetu Rezolusaun Governu nian neêbé aprova Polítika Industrial;
- Projetu Dekretu-Lei kona-ba Baze Industrial;
- Projetu Dekretu-Lei kona-ba Lisensiamentu Industrial;

- Proposta ba Kódigu Propriedade Industrial;
- Projetu Dekretu-Lei neêbé estabelese Institutu Nasionál Propriedade Industrial (INPI);
- Projetu Dekretu-Lei kona-ba Lisensiamentu Komersiál;
- Projetu Rezolusaun Governu nian neêbé aprova Polítika Medida Defeza Komersiál; no
- Projetu Dekretu-Lei neêbé regula komérsiu eletróniku.

Diploma sira seluk neêbé bele hetan aprovasaun iha faze pós-adezaun:

- Projetu Dekretu-Lei kona-ba Medida Defeza Komersiál;
- Projetu Dekretu-Lei kona-ba Prosedimentu Avaliasaun no Sertifikasaun Konformidade;
- Projetu Rezolusaun Governu nian neêbé adopta Planu Asaun ba Promosaun Indústria Manufatura.

Parke Industrial Ulmera

Laʼo hela estudu tékniku sira ba Parke Industrial Ulmera. Parke industriál ida-neê sei halo iha sidade Likisá, ho área ektare 49,5, neêbé submete tiha ona ba Ministériu Planeamentu no Investimentu Estratéjiku. Studu viabilidade neê estimadu ho valór \$29.458.878,38 iha kustu totál projetu nian, iha senáriu taxa rentabilidade interna 16,01% (IRR) no valór Lukru Likidu (NPV) besik \$11.040.273,90 kada tinan.

Parke Industrial Laleia

Ida neê ho objetivu atu harii Parke Industrial ida iha Laleia, Manatuto, ho inisiativa dezenvolvimentu Governu nian atu analiza projetu ida-neê, neêbé propoin husi kompañia Xina Guangxi Yixin Fishery Development, no vantajen posivel ba nasaun neê.

Empreza ida-neê hakarak investe maizumenus dolar biliaun 685, neêbé implementa iha Laleia, ba konstrusaun Parke ida ho Portu Akuakultura, hodi transforma ba produsaun no transformasaun podutu tasi nian (produtu ikan) no ba fornimentu merkadu nasionál no esportasaun.

Ba objetivu ida-neê, kompañia neê hakarak harii portu peska ida, estaleiru ida, ba peska, konstrusaun no reabilitasaun ró peska nian, atu promove esplorasau peska nian no atividade sira seluk neêbé relasiona ho explora rekursu haliêuticku. Maibé, Governu hakarak atu aseguira sustentabilidade projetu nian, nunê mós ambiente, no transferénsia koñesimentu nian ba sidadaun nasionál sira.

Empreza Mikro, Kiik no Mediu

Dezenvolvimentu empreza mikro, ki'ik no médiu sira iha munisípiu hotu-hotu, ho empreza mikro 1,089, empreza ki'ik 109 no empreza médiu 41, neêbé emprega traballadór nasionál Timor-oan 2,997 no traballadór 420 husi nasaun sira seluk.

Halaò mós vizita ba merkadu munisípiu sira iha país no analiza ona projetu konstrusaun merkadu munisipál sira iha munisípiu Lautem (Lospalos), Baucau no Ermera. Vizita halaò mós ba portu Tibar no ba kompañia importadora ba foos sira.

Kompetisaun Ideia Negósiu Inovativu

Manán-na'in sira husi Edisaun Da-IV husi Konkursu Ideia Negósiu Inovativu (*Kompetisaun Negósiu Inovativu*) simu prémiu iha loron 22 fulan-setembru durante eventua ida-neêbé halaò iha Dili.

Ida neê hanesan inisiativa konjunta ida husi Ministériu Komérsiu no Indústriia, Programa Nasoins Unidas ba Dezenvolvimentu, Ajénsia Korea ba Kooperasaun Internasionál (KOIKA) no Institutu Apoiu ba Dezenvolvimentu Emprezarial (IADE), ezemplu ida husi servisu parseria nian ho objetivu atu promove empreza foun sira, desenvolve empreendedorizmu no fó oportunidade ba empregu no auto-empregu, liuliu ba foin-sa'e sira, no mós kontribui ba kreximentu no diversifikasaun ekonómika.

Kontaktu institusionál atu atrai investimentu estranjeiru no desenvolvimentu komérsiu no indústriia

Halaò sorumutu no reuniaun lubuk ida-neêbé hanaran kontaktu institusionál no polítiku-diplomátiku, ho objetivu atu mantein kanál diálogo no kooperasaun ho parseiru desenvolvimentu prinsipál sira, liu husi sira-nia inisiativa no inisiativa Governu nian. Husi kontaktu hirak-neê mosu inisiativa investimentu balun iha nasaun neê, kriaun empregu, programa formasaun vokasionál no bolsa- estudu.

Governu iha kompromisu atu estabelese kontaktu ho parseiru sira neêbé fiar metin hodi prodús rezultadu konketu sira hodi atrai investimentu, kreximentu sustentavel iha ekonomia, diversifikasaun no kriaun empregu.

Akordu bilaterál kona-ba asesu ba merkadu servisu no sasán sira iha ambitu Organizasaun Mundial Komérsiu

Iha loron 23 Outubru 2023 Timor-Leste no Indonézia konklui ona akordu bilaterál kona-ba asesu ba merkadu servisu no sasán sira iha área adezaun Timor-Leste nian ba Organiza-saun Mundial Komérsiu iha Jenebra, Suisa.

Akordu bilaterál ida-neê kona-ba asesu ba merkadu servisu no sasán sira representa pasu signifikativu ida hodi estimula kreximen-tu ekonómiku nasional, relasaun komérsiu no Timor-Leste nia esforsu atu sai membru ASEAN, no mós hametin relasaun diplomá-tika entre Timor-Leste no Indonézia.

Halaò mós Sorumutu Grupu Traballu OMK VI iha loron 8 toò 14 fulan-outubru ba prose-su adezaun Timor-Leste nian, neêbé bele sai hanesan sorumutu ikus husi Grupu Traballu ida-neê, neêbé bele rekomenda Timor-Leste atu adezaun ba organizasaun multilateral komérsiu nian. Negosiasaun bilaterál sira-neê remata tiha ona ho nasaun interesada hotu-hotu, agora falta de'it prosesu lejislativu ba-lun husi diploma legál sira, maibé bele halaò iha períodu hafoin adezaun.

Asinatura Memorandu Entendimentu ho Repúblika Popular Xina

Asina ona Memorandu Entendimentu entre Ministériu Planeamentu no Investimentu Es-tratéjiku no Komisaun Dezenvolvimentu Na-sional no Repúblika Popular Xina atu hametin dezenvolvimentu ekonómiku no sosiál iha na-saun rua neê.

Feira Empreendedorizmu Joven 2023

Entre loron 18 toò 20 Outubru 2023, halaò Feira Empreendedorizmu Joven tinan 2023, ho tema “*Joven sira nu'udar ajente mudansa: atu enkoraja kriasaun empregu no promove di-versifikasaun ekonómika liu husi inovasaun no empreendedorizmu.*”

Inisiativa neê rezulta husi parseria entre Mi-nistériu Komérsiu no Indústria, Programa Nasoins Unidas ba Dezenvolvimentu (UNDP) no Ajénsia Kooperasaun Internasionál Koreia (KOIKA) liu husi ninia projetu YEES, ho ob-jetivu atu desenvolve estratéjia integradu ida hodi suporta kriasaun empregu, diversifika-saun ekonómika no kreximentu empresariál, ho promosaun empreendedorizmu.

Iha eventu ida-neê iha diálogu ida kona-ba empreendedorizmu, neêbé envolve ema neêbé foti desizaun polítika no empresáriu sira, lo-ron ida kona-ba rede empresariál entre em-presáriu foin-saê sira no representante sira husi empresa boot sira, no mós sesaun ida kona-ba fahe informasaun kona-ba asesu ba finansiamentu.

Kria programa servisu sazonal ho país amigu sira

Governu aprova ona asinatura ba memorandu entendimentu entre Timor-Leste no Governu Brunei Darussalam hodi haruka traballadór Timor-Leste sira ba nasaun neê.

Embaixadór Timor-Leste nian iha nasaun neê atu fó apoiu ba preparasaun traballadór nasio-nál sira atu haruka ba.

Formasaun vokasionál no edifísiu foun Sentru Nasionál Empregu no Formasaun Profisionál

Iha loron 6 Outubru 2023 hala'o serimónia enserramentu siklu Formasaun 2022/2023 no inísiu siklu formativu foun ida husi Sentru Nasionál Empregu no Formasaun Profisionál (CNEFP), iha Tibar, iha munisípiu Likisá.

Durante event u ne'e, entrega sertifikadu apro-veitamentu husi nivel I no II ba formandu hamutuk 215, husi ne'ebe mane 129 no fetu 91, iha área Konstrusaun Jerál, Ospitalidade no Agrikultura.

Entrega mós Sertifikadu 48 ba formandu husi Institutu Politékniku Betano, husi Formasaun Prátika iha Konstrusaun Sivíl no Profisionál Pekuária.

Serimónia ne'e inklui abertura ba Formasaun Konstrusaun Jerál F-FDTL no Formasaun ba Unidade Maritima. Parte husi formandu hirak-ne'e mak militar husi Komponente Naval F-FDTL nian, formasaun ida-ne'ebe hetan apoiu husi Governu Australia nian liu husi Kooperasaun Téknika Militar DCP (Defense Cooperation Program). Formasaun ne'e ho objetivu atu treinu tékniku ba pesoál militar sira ne'ebe sei asegu ra manutensaun ba ró Naval nian iha futuru.

Iha serimónia ne'e lansa mós fatuk dahuluk ba Ofisina Polivalente, edifísiu ho andár rua ho ofisina Versatil, adaptavel no ho área oin-oin, ne'ebe iha sala ba formador sira no sala konfe-rénsia nian.

Dezenvolvimentu setór privadu

Kriasaun husi apoiu finanseiru ba asosiasaun sivíl sira ne'ebe naun-lukrativu iha Timor-Leste ne'ebe promove dezenvolvimentu setór privadu Timor-Leste nian.

Mapeamentu no Identifikasaun husi Kooperativa sira iha Timor-Leste

Kooperativa hotu-hotu ne'ebe eziste iha nasaun ne'e identifika tiha ona, inklui kooperativa sira ne'ebe hetan apoiu husi Parseiru Dezenvolvimentu sira, ho revizaun ba Memorandu Entendimentu no Akordu sira.

Planu Estratéjiku 2023-2030 no Planu Asaun 2023-2028 Setór Kooperativu

Haree ba dezaflu no obstákulu sira, maibé mós oportunidade sira ba dezenvolvimentu kooperativa sira iha país, ida- oras ne'e define ona estratéjia sira ba implementasaun programa kooperativa sira ne'ebe refle te Planu Estratéjiku 2023-2030 no Planu Asaun 2023-2028, planu sira ne'ebe dezenvolve ona iha konsulta ho entidade relevante sira.

Asinatura Konvensaun Biodiversidade la'ós Jurisdisaun Nasionál

Ida ne'e no akordu fundamentál ida atu kontribui ba protesaun no konservasaun biodiversidade marítima ne'ebe liu jurisdisaun nasional. Akordu ne'e kria estrutura legál ida-ne'ebe bele ajuda mundu atinje objetivu atu iha 30% husi tasi -no rai- iha área sira ne'ebe hetan prote-saun iha tinan 2030, tanba foka liu ba bee sira ne'ebe la'ós iha jurisdisaun nasional, hanesan, ne'ebe mak responsabilidade husi nasaun hotu-hotu, no propoin mekanizmu konjuntu sira ba konservasaun biodiversidade iha área komún, ne'ebe korresponde ba maior parte husi tasi.



Kontinua Konsolidasaun Governativa

“Reforma Jestaun Finansas Públikas” ne’ebé Governu IX sei implementa, ne’ebé kompromete atu halo reforma kompreensivu iha área Finansas Públikas, atu nune’e bele hasa’e reseita husi Estadu no transparénsia no efisiénsia política fiskál no jestaun finanseira. Reforma Jestaun Finansas Públikas hametin estratéjia fiskál, hametin mobilizasaun rekursus, promove implementasaun orsamentu programa, rasionaliza despesa publika no aumenta responsabilidade no transparénsia, no promove dexentralizasaun finanseira.

Tomada de Posse husi Governador foun Banku Sentrá

Iha loron 13 Setembru 2023 Helder Lopes, hola pose nu’udar Governador foun Banku Sentrá Timor-Leste (BCTL), organizaun ne’ebé responsavel ba regulamentasaun no supervizaun husi setór finanseiru nasional. Governadór foun BCTL nian troka Governador uluk, Abraão de Vasconcelos ne’ebé lider ba Banku Sentrá husi nia fundasaun iha 2011, bainhira substitui Autoridade Bankária Pagamentu (ABP).

Kombate ba brankeamentu kapitál no finansia terrorizmu

Ministru Prezidencia Konsellu Ministrus ha-laõ sorumutu iha loron 26 fulan-setembru

tinan 2023 ho ekipa neêbé akompaña representante sira husi Grupu Ázia Pasifiku (APG). Husi 18 to'o 28 Setembru 2023, ekipa APG ida iha Timor-Leste atu avalia kompromisu nasional relasiona ho kombate internasional hasoru brankeamentu kapital no finansiamentu ba terrorizmu.

Durante sorumutu ne'e, tékniku APG sira relata kona-ba atividade sira neêbé hala'o iha Timor-Leste, tanba iha faze ida-ne'e representante sira husi Grupu Ázia Pasifiku konsidera ona efikasía husi medida sira neêbé Governu foti tuir padraun internasional sira. Timor-Leste desenvolve ninia sistema kombate ba brankeamentu osan no finansiamentu ba terrorizmu, ho promulgasaun lei espesífiku sira iha tinan hirak foin lailais ne'e, ho foku ba estabelesimentu, iha 2014, Unidade Informasaun Finanseira Timor-Leste nian.

Tomada de Posse husi Komisáriu husi Komisaun Funsan Publika

Iha loron 3 Outubru 2023, Ministru Prezidencia Konsellu Ministrus fó posse ba Agapito da Conceição nu'udar Komisáriu husi Komisaun Funsan Publika, hanesan hatudu husi Parlamentu Nasionál, iha eleisaun 29 Agostu 2023.

Komisaun Funsan Publika, neêbé eziste durante tinan 14 nia laran, hasoru dezafiu boot sira neêbé lansa ona husi Programa Governu Konstitusionál IX nian, neêbé inklui hadi'a efikasía, efisiénsia no profisionalizmu Administrasaun Publika nian, hodi fornese servisu públiku neêbé di'ak liu, ho kualidade aas, nu'udar fatór importante ida hodi hamenus kiak no progresu no moris-di'ak populasan nian.

Komisáriu foun ne'e iha kompromisu atu defende bein públiku no defende povu Timor-Leste hodi proteje interese sira neêbé boot liu hosi Nasaun.

Instalasaun Unidade Integrada Planeamentu (UPI) no Unidade Investimentu Estratéjiku (UIE)

Instalasaun unidade foun rua neêbé responsavel ba implementasaun ka koordinasaun atividade téknika sira país nian Planeamentu Estratéjiku Sosiál Ekonómiku (UPI) no koordinasaun atividade tékniku planeamentu husi investimentu estratéjiku iha infraestrutura no servisu sira (UIE) ninia ho objetivu mak atu hadi'a no promove desenvolvimentu ekonómiku no sosiál Timor-Leste nian iha koordinasaun ho departamentu governu relevante sira.

Redús número husi institutu públiku sira

Governu lansa ona política ida atu hamenus número husi institutu públiku sira neêbé governu uluk kria, neêbé serve de'it atu fó servisu ba membru sira husi partidu sira, sein rasionalidade administrativa ka ekonómika ruma. Política ida-neêbé atu kontinua iha orsamentu sira iha futuro, hakotu Ajénsia Nasionál Planeamentu, Monitorizasaun no Avaliasaun (ANAPMA), Autoridade Nasionál Bee no Saneamentu (ANAS, I.P.) no Autoridade Nasionál Eletridade (ANE, I.P.).

Eliminasaun imediata ba aumentu total iha impostu sira neêbé aprova ona iha Janeiru 2023

Hatun taxa impostu seletivu konsumu no taxa importasaun neêbé aplika iha tinan 2023. Tanba ne'e elimina ona taxa impostu seletivu konsumu neêbé aplika ba masin midar. Elimina mós aumentu iha taxa importasaun mós husi 2.5% ba 5%, hodi aplika fali taxa 2.5% neêbé prevee iha Lei tributária.

Promove estabilidade Orsamentu Jerál Estadu nian

Uza fali organizasaun husi kategoria lima (bens no servisu, saláriu no vensimentu, transferénsias públikas, kapitál menór no kapitál dezvoltamentu), no aumenta nivel detalhe husi informasaun neêbé apresenta ba Parlamentu Nasionál no ninia kompreensaun boot liu no fiskalizaun iha futuru.

Nunê mós ba estabilidade boot liu husi Orsamentu Jerál Estadu nian, elimina ona Lei Opsaun Boot Planu nian, no kria Planu Anuál Investimentu Estratéjiku hodi mantein vizaun multi-anuál ba Orsamentu, tuir prátika internasionál neêbé d'ak liu. Ho eliminaun husi Lei Opsaun Boot Planu nian, atu mantein vizaun multi-anuál OJE nian, relatóriu husi proposta lei OJE nian neê inklui mós enkudamentu programa orsamentál multi-anuál, neêbé apresenta projesaun sira husi reseita, despeza, dividendu públiku no valór Fundu Petroliferu nian durante tinan 5. Ida neê permite atu asegura sustentabilidade, rigór no transparénsia konta publika sira-nian.

Adezaun ba Konvensaun Internasionál kona-ba Sistema Armonizadu husi Deznasun no Kodifikasaun husi Merkadoria sira

Proposta rezolusaun ida-neê apresenta ona ba Parlamentu Nasionál kona-ba Konvensaun Internasionál neê, neêbé estabelese iha Bruxelas iha tinan 1983, no atu aprova Protokolu alterasaun ba Konvensaun neêbé Konsellu kooperasaun Aduaneira elabora iha loron 24 Juñu 1986.

Retratu husi Orsamentu Retifikativu Estadu nian ba tinan 2023

Lei neê hetan aprovasaun, promulgasaun no publikasaun iha Jornál Repúblika tuir Lei n. 17/2023 loron 29 fulan-agostu, Orsamentu Retifikativu Estadu (2023), ho total despeza konsolidadu hamutuk biliaun \$1.77 hodi responde ba Programa foun Governu Konstitusionál IX nian.

Ho objetivu atu kontrola kontas públikas, hamenus despeza sira neêbé prevee iha Orsamentu Jerál Estadu nian ba tinan 2023, nunê mós montante transferénsia Fundu Petroliferu nian, neêbé reflete kompromisu Governu nian atu asegura sustentabilidade finanseira país nian.

Alterasaun sira-neê inklui mós alterasaun ba Artigu 3 no 4 husi Lei n. 15/2022 21 Dezembru, Orsamentu Jerál Estadu nian ba tinan 2023, no mós tabela sira iha Aneksu ba Lei ida-neê. Alterasaun dahuluk neê mós halo ba Lei n. 2/2022 loron 10 fulan-fevereiru, Enkudamentu Orsamentu Jerál Estadu no Jestaun Finansas Públikas, atu asegura rigór no transparénsia neêbé boot liu iha implementasaun Orsamentu Jerál Estadu nian no iha finansas públikas.

Aleinde neê, Lei neê halo alterasaun daruak ba Lei n. 8/2008 30 Juñu, Lei Tributária, hanesan altera ona husi Lei n. 5/2019 27 Agostu, atu klarifika konseitu establesimentu estavel neêbé prevee iha Lei Tributária.

Orsamentu ida-neêbé aprova ona iha valór US\$439.060.944 ba asuntus ekonómikus, US\$ 24.965.254 ba abitasaun no infraestrutura kolektiva, US\$ 94.411.189 ba saúde, US\$ 136.974.446 ba edukasaun no US\$253.389.284 ba protesaun sosiál.

To'o 31 Outubru, taxa ezekusaun despeza mak 53% no taxa rekuperasaun reseita mak 62% hosi totál estimativa reseita ba tinan fiskál tinan 2023 tomak.

***Realizasaun husi atividade
reforsu institusionál***

Liu husi Gabinete Vise-Ministru ba Fortalesimentu Institusionál, hala'o atividade lubuk ida atu hadi'a servisu públiku nia velocidade prosesuál, no dezenvolve Planu Dezenvolvimentu Institusionál ne'ebé inklui konsolidasaun administrasaun justisa nian no hadi'a kapasidade institusionál Governu nian.

Iha área ida-ne'e, halo vizita ba munisípiu sira atu hatene dezafiu sira ne'ebé hasoru, no buka solusaun ba obstákulu no difikuldade sira ne'ebé hasoru, nunee mós atu halibur informasaun transversal no fó opiniaun ba reforsu institusionál sira.



Kontinua Governasaun Di'ak no Kombate ba Korrupsaun

“Governasaun di'ak no setór públiku ida-ne'ebé profisionál, kompetente no efisiente nu'udar kondisaun esensiál ba prestasaun servisu públiku sira no ba implementasaun polítika no objetivu sira ne'ebé define ona iha Planu Estratéjiku Dezenvolvimentu no iha Programa Governu nian. Atu hasa'e konfiansa iha governasaun, signifika atu hasa'e dezempeñu setór públiku nian, to'o iha momentu primeiru, no motór prinsipál kreximentu ekonómiku nasional nian.”

Estabelesimentu Servisu Administrasaun Suku

Governu aprova ona esbosu Dekretu-Lei ida-ne'ebé estabelese Servisu Administrasaun Suku nu'udar órgaun apoiu ba Xefe Suku no reforsa subsídiu ne'ebé fó ba Suku sira atu finansia rekursus umanus sira husi servisu ida-ne'e. Alterasaun ida-ne'e mós permite pagamentu ajudas-de-kustu ba lider komunitáriu sira bainhira mobiliza ba atividade administrasaun sentráal sira.

Programa Maun-de-obra Postu Administrativu / PMOPA no Programa Movimentu Hafoun Aldeia/ PMOHA

Programa hirak-ne'e analiza no avalia, identifica problema no lakuna balun iha Programa PMOPA no, iha kazu PMOHA, nota ka-

tak la halaõ estudu viabilidade. Kompleta ona avaliasaun no artikulasaun ho programa sira seluk neêbé eziste iha área PNDS no PDIM, no programa sira seluk neêbé foka ba dezvoltamentu rurál, PMOPA no PMOHA sei hetan restruturasaun ho maneira transparente no responsavel hodi hetan rezultadu kualitativu no kuantitativu neêbé kontribui duni atu hadi'a populasau nia moris, liuliu iha área remota sira, hodi permite benefísiu másimu ba comunidade sira.

Programa PNDS mós analiza atu avalia implementasaun no benefísiu ba populasau, no Governu sei implementa medida sira atu hadi'a efikásia, efisiénsia no transparénsia programa ida-neê nian.

Planu Estratéjiku ba Munisípiu sira

Kompleta ona levantamentu ba dokumentu sira neêbé relevante ba Planu Estratéjiku Munisípiu atu identifika problema no dezafiu sira iha nivel nasional. Iha koordenasaun ho entidade relevante hotu-hotu, sorumutu ida ho Autoridade Munisípiu hotu-hotu neêbé, ho apoiu husi ekipa téknika especializada ida, atu desenvolve planu dezvoltamentu munisípiu ida, tuir sirkunstánsia lokal no realidade sira.

Halo Assembleia husi Aldeia no Konsellu Suku sira iha ambitu prosedimentu eleisaun ba lider komunitáriu sira

Aprova Dekretu Governu nian n. 9/2023 loron 16 fulan-agostu neêbé estabelese data atu halaõ Assembleia Aldeia no Konsellu Suku sira iha ambitu prosedimentu eleitoral ba lideransa komunitária sira-nian. Iha koordenasaun ho Diretór Jerál Governu Lokál, halaõ preparasaun ba eleisaun Assembleia Aldeias no Konsellu Suku, neêbé halaõ iha loron 28 Outubru 2023. Tuir lei, prosesu neê organiza iha dalan sira tuirmai neê:

- 28 Outubru 2023 - Loron eleisaun Xefe Suku, Xefe Aldeia no Delegada no Delegadu husi Aldeia sira ba Konsellu Suku.
- 28 Outubru 2023 - Hahú hodi sura votu no apuramentu ba rezultadu eleitoral.
- 29 Outubru 2023: Sumáriu rezultadu husi Eleisaun ba Xefe Suku.
- 29 Outubru 2023: Reklamasau ba kontajen votus no apuramentu rezultadu.
- 29 Outubru 2023: Rekursu husi desizaun husi Meza Eleitoral Suku kona-ba reklamasau neêbé hatoo kona-ba kontajen votus ka apuramentu rezultadu.

Kuandu la iha kandidatu ida mak hetan liu metade husi votus neêbé válidu, Assembleia Aldeia sei halaõ sorumutu ba votu daruak, tuir n. 2 husi artigu 71 Lei No 9/2016 husi 8 Julu iha loron 13 fulan novembru 2023.

Implementasaun Estratéjia Investimentu ba Jestaun Reziduus Sólidus Urbanus husi Dili

Governu reforsa ona ninia kompromisu ba implementasaun Estratéjia Investimentu ba Jestaun Reziduus Solidus Urbanus husi Dili, ho aprovasau ba diploma kona-ba manutensaun interese públiku kontratual Estadu nian iha implementasaun kontratu públiku ba forneshimentu ekipamentu iha jestaun projetu kona-ba reziduus sólidos urbanus Dili nian.

Memorandu Entendimentu ba Dexentralizasaun Administrativa

Asina tiha ona memorandu entendimentu ida ba kooperasaun iha prosesu dexentralizasaun administrativa no dezvoltamentu lokal iha munisípiu Manatuto, ho objetivu atu estabelese relasaun kooperasaun ba promosaun dexen-

tralizasaun administrativa no dezvoltamentu lokál iha munisípiu sira. Memorandu neê asina husi Província Hunan, Repúblika Popular Xina, no husi Administrasaun Munisípiu Manatuto, neêbé representa husi Ministru Administra-saun Estatál.

Altera kualifikasaun legál no administrativa illa Atauro nian

Konsellu Ministrus aprova Proposta altera-saun da-haat ba Lei n. 11/2009 lora 7 fulan-outubru, neêbé aprova Divizaun Administrativa Territóriu. Proposta Lei neê hetan aprovasaun jerál iha Parlamentu Nasionál iha 24 Outubru 2023. Hanesan prevee ona iha Programa Governu IX nian, alterasaun neê ninia objetivu mak atu elimina munisípiu Atauro no kria divizaun administrativu ida-neêbé hanaran “Atauro,” tuir definisaun Artigu 5 Konstituisaun Repúblika nian.

Proposta atu altera kualifikasaun legál no administrativa Atauro nian sei loke dalan ba re-definisaun modelu administrativu territorial ida-neêbé, husi parte Governu nian, iha kapasidade atu deklara prosesu dezvoltamentu territóriu ida-neê nian, ho partisipasaun komunidadade lokál sira-nian.

Governu konsidera katak solusaun ida-neê laós hanesan retrosesu ka diskualifikasaun ba territóriu illa Atauro nian, maibé atu lansa baze ba modelu foun ida ba organizasaun no funsionamentu administrasaun lokál Atauro nian, neêbé iha meiu no enkuadramentu legál neêbé apropriadu no nesesáriu atu promove prosesu infraestrutur iha territóriu ida-neê, atu assegura fornimentu bens no servisu bá-ziku ba komunidadade lokál sira no atu estabiliza kreximentu ekonómiku no ben-estar popula-saun iha Atauro.”

Altera Lei neêbé kria RAEOA no ZEEMS

Konsellu Ministrus aprova ona iha lora 25 fulan-setembru proposta Lei kona-ba alterasaun datoluk ba Lei N. 3/2014 lora 18 fulan-juñu, neêbé estabelese Rejiaun Administrativa Espesiál Oe-Cússe Ambeno (RAEOA) no estabelese Area Espesiál Ekonomia Sosial Merkadu Oe-Cússe Ambeno no Atauro.

Proposta Lei neê hetan aprovasaun jerál iha Parlamentu Nasionál iha 24 Outubru 2023. Alterasaun sira neêbé aprova inklui: estabele-simentu enkuadramentu legál ida-neêbé apropriadu ba Area Espesiál Ekonomia Sosial Merkadu sira iha territóriu laran tomak; poder tutela ba RAEO sei ezerse de’it husi Primeiru-Ministru; poder regulamentár RAEOA nian sei tuir Konstituisaun no Lei; kontratu sira neêbé RAEOA konklui ona hodi naran Zona Espesiál Ekonomia Sosial no Merkadu Oe-Cusse no Ambenu no Atauro sei transfere automatikamente ba RAEOA.

Dezenvolve diploma regulador sira hodi apoia prosesu governu lokál no dexentralizasaun governu tuir faze

Atu alkansa objetivu sira governu lokál nian no dexentralizasaun neêbé Governu halo, sei dezvoltave hela proposta lejizlativa sira tuir mai neê:

- Lei Poder Lokál no Lei Dexentralizasaun Administrativa (revizaun husi Lei 23/2021, 10/11);
- Lei Eleitorál Munisipal (revizaun husi Lei 22/2021, 04/11);
- Lei Finansas Munisípiu (revizaun husi Lei 16/2023, 31/05);
- Proposta Lei: Estatutu, karreira, obriga-saun, remunerasaun no dixeplina funsionáriu munisipál sira-nian;

- Proposta Lei: Patrimóniu Munisipál;
- Proposta Lei: Estabelese liu-liu autarkia munisipál sira;
- Proposta Lei: Kódigu Eleitorál.

Atu desenvolve programa Administrasaun Estatál nian no apoia objetivu dexentralizasaun nian, iha hela prosesu atu elabora, ka desenvolve tiha ona no/ka aprova ona iha Konsellu Ministrus Dekretu-Lei sira tuir mai:

- Estatutu Administrasaun Munisipál, Autoridade Munisipál no Grupu Tékniku Interministeriál ba Dexentralizasaun Administrativa (alterasaun da-5 ba Dekretu n. 3/2016 loron 16 fulan-marsu) - sei hein ajendamentu husi Konsellu Ministrus;
- Estatutu Autoridade Administrativa Atauro - atu hein ba agenda iha Konsellu Ministrus;
- Regulamentu FEDA - Fundu Espesiál Desenvolvimentu Atauro - sei hein ajendamentu husi Konsellu Ministrus;
- Rekursu materiál no insentivu finanseiru lideransa komunitáriu sira-nian, no kria servisu administrasaun suku nian (alterasaun da-3 ba Dekretu-Lei n. 6/2014 26 Fevereiru) - aprova ona iha Konsellu Ministrus iha loron 19/09/2023;
- Rejime Jerál Programa Nasionál Desenvolvimentu Suku (alterasaun da-5 husi Dekretu N. 8/2013 26 Juñu);
- Planeamentu desenvolvimentu komunitáriu;
- Planeamentu Integradu Desenvolvimentu Munisipál (alterasaun da-2 ba Dekretu-Lei No. 4/2012 15 Fevereiru);
- Rejime Aprovizionamentu ba Planeamentu Desenvolvimentu Integradu Munisipál (alterasaun da-2 ba Dekretu-Lei N. 11/2013 loron 7 fulan-agostu;
- Revogasaun Dekretu-Lei n. 23/2021 loron 10 fulan-novembru, neêbé kria Programa Movimentu Hafoun Aldeia;
- Ijiene no Orden Públiku (alterasaun dahuluk ba Dekretu -Lei N. 33/2008 27 Agostu);
- Balkaun Úniku Munisipál (One-stop-shop);
- Portal Munisipál;
- Regulamentu jerál ba semitériu sira;
- Regulamentu atribuisaun no kompeténsia suku sira-nian;
- Rejime jurídiku kontratu inter-administrativu;
- Regulamentasaun ba Kódigu Eleitorál;
- Regulamentasaun husi prosedimentu tékniku sira ba implementasaun operasaun resenseamentu eleitorál;
- Lei Resenseamentu Eleisaun (alterasaun da-2 ba Lei n. 6/2016 25 Maiu);
- Símbolu Munisípiu;
- Definisaun estrutura no klasifikasaun ekonómika ba reseita munisipál no estrutura munisípiu nian no klasifikasaun ekonómika no fungsional ba despeza munisípiu nian;
- Regulamentasaun husi definisaun no estrutura husi programa orsamentál sira;

- Regulamentasaun ba kritériu no formula repartisaun husi Fundu Jerál Munisipál husi munisípiu sira;
- Regulamentasaun kona-ba aplikasaun kritériu no formula alokasaun ba Fundu Koezaun Territorial ba munisípiu sira;
- Regulamentasaun kona-ba aplikasaun kritériu no formula repartisaun husi Fundu Dexentralizasaun Administrativa ba munisípiu sira.

Dekretu Governu sira, no Rezolusaun ida husi Governu neêbé tuir mai sei laò daudaun

- Regulamentasaun kona-ba akreditasaun ba kandidatu sira-nia no partidu polítiku sira, observador eleitorál sira no profisionál sira iha média sosiál sira iha ambitu prosedimentu eleitorál munisipál sira;
- Regulamentasaun ba Programa Nasionál Dezenvolvimentu Suku;
- Regulamentasaun ba Programa Planeamentu Dezenvolvimentu Integradu Munisipál;
- Rezolusaun kona-ba Política Nasionál Dezenvolvimentu Lokál.

Implementasaun husi Balkaun iha munisípiu hotu-hotu, atu nuneê bele asesu ba servisu Administrasaun Sentrál hotu iha nasaun laran tomak

Balkaun Úniku ka *One-stop-shop* neê dezenvolve hela ho apoiu husi Programa Nasoins Unidas ba Dezenvolvimentu (PNUD). Programa ida-neê hanesan parte ida husi política dexentralizasaun administrativa no autoridade lokál, ho objetivu atu simplifika no moderniza administrasaun lokál.

Governu, liu husi Ministériu Administrasaun Estatál no PNUD, servisu hamutuk hodi dezenvolve Balkaun Úniku iha munisípiu Likisá, Dili, Manatuto no Baucau. Iha Dili sei dezenvolve unidade rua, ida husi Koopera-saun MAE-PNUD no ida seluk husi UCCLA. Hakarak atu haluan projetu neê ba Atauro no munisípiu hotu-hotu iha país neê.

Reforma Setór Justisa

Iha área reforma setór justisa nian no reforsu institusionál, apresenta ona diploma estruturál foun 3 ba Prezidencia Konsellu Ministrus, ho foku ba orgánika husi Ministériu no Estatutu Guarda Prizionál no prepara projetu Proposta Lei husi Protesaun Dadus Pesoais. Diploma sira seluk iha hela prosesu deenvolvimentu atu apresenta iha tempu badak.

Estabelesimentu Grupu Traballu ba Reforma Setór Justisa

Iha fulan Agostu, harii ona Grupu Traballu kona-ba Reforma Setór Justisa nian, ho funsaun espesial sira iha koordenasaun no deenvolvimentu proposta no política sira neêbé permite atu promove implementasaun Programa Governu nian iha implementasaun setór Justisa nian.

Iha sentidu ida-neê, ulukliu, forma ona ekipa ida uza peritu internasionál sira atu asegura exelénsia no imparcialidade iha prosesu sira neêbé ho objetivu atu halo análise situasional ba setór justisa.

Aleinde estudu no opiniaun oin-oin iha área oin-oin iha área justisa nian (husi propriedade rai, regulasaun poder paternál, prosesu dixiplinar no kriminál sira) estuda mós dokumentu oin-oin, nasional no internasionál sira, ho objetivu atu halo reforma lejizlativa no setór justisa nian iha ninia aspetu hotu-hotu.

Ikus liu, maske iha área ida-ne'e, prepara hela programa estudu ida atu rezolve falta rekursus umanus iha área justisa, liu husi kriasaun programa estudu ida atu hetan bolsa estudu atu hetan lisensiatura direitu iha universidade estranjeiru sira, nune'e mós espesialidade relevante balun kona-ba nesesidade sira ne'ebé hetan iha nasaun ne'e, no ezemplu espesialidade iha medisina legál.

Harii Orden Advogadu

Iha faze apresiasaun no agenda Konsellu Ministrus nian Proposta Lei ba Estabelesimentu ba Orden Advogadus.

Disponibilizasaun ba pasaporte eletróniku

Kopia hosi pasaporte eletróniku tipu 4 hetan ona aprovasaun atu prosesa iha Finlandia hodi halo impresaun imediata. Modernizasaun ba rejistu no servisu notáriu sira permite rezolve obstákulu sira ba emisaun pasaporte komún sira, ho esperansa katak, to'o tinan ida-ne'e nia rohan, pasaporte ne'ebé presiza sei disponivel ba sidadaun hotu-hotu.

Rejistu online mós atualiza ba asuntu emisaun sertidaun naximentu, billete identidade no pasaporte, no halo emisaun ba liu billete identidade 25,400 no pasaporte liu 6,600.

Regularizasaun ba propriedade domíniu privadu estadu nian

Halo levantamentu ba propriedade domíniu privadu Estadu nian, liu-liu ba Pousada Timor-Leste nian, ho identifikaun ba área sira ne'ebé okupadu no kontratu arrendamentu ne'ebé iha ka iha prosesu.

Regularizasaun husi okupasaun propriedade Estadu nian

Hala'o mós levantamentu no regularizasaun propriedade estadu nian ne'ebé okupa husi instituisaun governu nian, ho afetasaun ofisiál ba propriedade. Planu asaun ba edificiu sira seluk sei dezanvolve hela, hodi hatudu katak estabelesimentu ajénsia no eskritóriu governu nian, ajente estadu sira rezidência no estabelesimentu Embaixadór no representante diplomátiku sira.

Formasaun ba ajente Justisa sira

Kontinua kursu formasaun ba juis, prokuradór, defensor públiku, konservadór no notáriu sira, no mós iha prosesu rekrutamentu formandu ba advogadu privadu sira.

Hala'o mós serimónia abertura ba Segundu Kursu Formasaun Ministériu Públiku no Kursu Formasaun da-4 husi majistradu Judisial Timor-Leste nian iha Portugal. Formasaun Prokuradór Repúblika 5 hahú iha Komarka Lisboa Oeste no iha DIAP Lisboa, durante semana 6 entre Setembru no Novembru, tuir mai iha faze formasaun teórica no prátika iha CEJ, iha Novembru no Dezembru 2023.

Iha fatin hanesan, Juis 4 hahú sira-nia formasaun iha CEJ entre Setembru no Dezembru 2023, hafoin hala'o faze estájiu iha Komarka entre Janeiru no FEVEREIRU 2024.

Análize no proposta reestruturasaun F-FDTL

Ministériu Defeza analiza no apresenta ba Konsellu Ministrus proposta kona-ba nomeasaun foun sira ne'ebé sei apresenta ba Sua Exelénsia Prezidente Repúblika atu:

- Nomeia Koronél Domingos Soares “Dobu”, nu’udar Komandante Komponente Terrestre F-FDTL nian; no
- Promove Brigadeiru-Jeneral Américo Ximenes “Sabika Besi Kulit” ba postu Major-Jeneral;
- Promove Brigadeiru-Jeneral Cornelio Ximenes “Maunana” ba postu Major-Jeneral;
- Promove Brigadeiru-Jeneral João Miranda “Aluk Descartes” ba Postu Major-Jeneral;
- Promove Koronél José da Costa Soares “Trix” ba postu Brigadeiru-Jeneral; no
- Promove Kapitaun-de-Mar-Guerra Higinho das Neves ba postu Komodoro.

Rekrutamentu ba ajente administrasaun publika foun

Harii Komisaun Rekrutamentu hodi asegura katak funsionáriu administrasaun publika sira na’in 230 rekruta ona atu destaka ba kada postu administrativu hodi asegura kompromisu Governu nian ba prevensaun konfliktu.

Dezenvolve Planu Estratéjiku PNTL nian ba tinan 7 oin mai

“PNTL nia Estratéjia ba 2023-2030” dezenvolve ona atu asegura seguransa interna neêbé di’ak liu no atu asegura pás no estabilidade nasional. Iha ambitu neê asina akordu ida ho Embaixadór Nova Zelândia hodi apoia dezenvolvimentu Planu Asaun Polísia Komunitária 2023-2030.

Partisipasaun iha Forum Estadu Arkipélagu no Illa

Sorumutu Nivel Aas dahuluk husi Forum Estadu Insular no Arkipelagu nian hala’o iha Bali, Indonézia, iha loron 10 no 11 Outubru 2023.

Timor-Leste representa iha nivel aas liu, ho prezensa Primeiru-Ministru nian, hodi konsidera importánsia husi plataforma ida-neê neêbé halibur hamutuk nasaun arkipélagu no insular 51 hodi participa iha forum koletivu ida-neêbé responde ba dezafiu sira neêbé relasiona ho utilizasaun sustentavel rekursu tasi nian ba kreximentu ekonómiku sustentavel, reziliensia ba mudansa klimátika, poluisaun tasi nian, jestaun emerjénsia no peska sustentavel.

Ho tema “*Promove kolaborasaun, hodi fó kbiit ba Inovasaun, ba Ita-nia Oseanu no Ita-nia Futuru,*” eventú nivel aas hala’o sorumutu ho Xefe Estadu no Governu sira hodi diskute kona-ba operacionalizasaun solusaun teknolojia, inovadora no natural sira, hodi hatán ba dezvoltamentu komún no dezafiu ambiental sira, tuir objetivu sira husi Ajenda 2030 ba Dezvoltamentu Sustentavel, liuliu ODS 14.

Partisipasaun iha Simeira da-XIV husi Xefe Estadu no Governu CPLP nian

Iha Simeira ida-neê, Angola ofisialmente transfere Prezidencia Rotativa CPLP nian ba Sao Tome no Prinsipe, neêbé lidera organizasaun ida-neê ba tinan rua nia laran, entre tinan 2023 no 2025.

Simeira neêbé dedika ba tema “*Joven no Sustentabilidade iha CPLP,*” hala’o iha Sao Tome no Prinsipe, entre 21 no 27 Agostu 2023, neêbé remata ho Konferénsia Xefe Estadu no Governu sira iha loron 27 Agostu, iha neêbé Timor-

-Leste hetan representasaun husi Prezidente Parlamentu Nasionál, akompaña husi Ministru Negósios Estranjeirus no Kooperasaun.

Rekondusaun mandatu husi Sekretáriu Ezekutivu CPLP

Iha Simeira da-XIV husi Xefe Estadu no Governu CPLP nian, neêbé halaò iha 27 agostu, iha Sao Tome no Prinsipe, Sekretáriu Ezekutivu CPLP nian, husi Timor-Leste, hetan filafali mandatu tinan 3 toò tinan 2025. Ida neê rezultadu husi atividade diplomátika intensu Timor-Leste nian.

Partisipasaun iha G77+China, iha Havana

Ministru Negósios Estranjeiru no Kooperasaun, neêbé representa Governu, partisipa iha Simeira G77+Xina nian kona-ba tema “*Dezafiu sira neêbé daudaun neê akontese iha desenvolvimento: papél siénsia, teknolojia no innovasaun nian*,” neêbé halaò iha Havana, Cuba, iha loron 15 no 16 Setembru 2023.

G77, neêbé uluk harii husi nasaun desenvolvimento na'in 77, hanesan organizasaun intergovernamental boot liu husi nasaun Súl Nasoins Unidas nian no oras neê iha nasaun 134 iha Ázia, Áfrika no Amérika Latina. Maske Xina la konsidera nu'udar membru, maibé partisipa dezde tinan 1992. Grupu neê halaò papél estratéjiku ida hodi promove interese kolektivu nasaun desenvolvimento sira-nian no hadi'a sira-nia kapasidade negosiasaun iha ekonomia globál sira-neê.

Simeira Havana nian buka atu ko'alia kona-ba nesesidade urjente atu promove orden internasionál ida-neêbé justu ba Estadu sira neêbé desenvolve hela, hodi reflète kona-ba papél transformasaun siénsia, teknolojia no innovasaun nian hodi alkansa objetivu sira desenvolvimento sustentavel nian toò 2030.

Altu Dignatáriu sira neêbé halo Vizita Ofisiál ba Timor-Leste

Hahú kedas husi Governu Konstitusionál IX nia posse, simu vizita ofisiál sira husi dignatáriu estranjeiru seniór sira mai iha Dili:

- Ministru Estadu no Negósios Estranjeiru Japaun, Takei Swansue (6 Julu 2023).
- Ministru Negósios Estranjeiru Australia, Penny Wong (7 Julu 2023).
- Vise-Ministra Negósios Estranjeirus Xina nian, Non-Rong (19-21 Julu 2023).
- Primeiru Ministru Portugal, Antonio Costa (25 toò 26 Julu 2023).
- Ministru Negósios Estranjeiru Bangladesh, AK Abdul Momen (28-29 Agostu 2023).

Vizita ofisiál ba Reinu Kamboja

Vise-Primeiru-Ministru, Koordinator Asuntus Ekonómikus no Ministru Turizmu no Ambiente, halaò vizita ofisiál ida ba Reinu Kamboja iha loron 28 no 29 fulan-agostu.

Durante vizita neê, nia hasoru malu ho Primeiru-Ministru no membru Governu foun Kamboja nian, neêbé toma-posse iha loron 1 fulan-agostu tinan kotuk, ho objetivu atu hametin kooperasaun bilaterál sira.

Iha sorumutu hirak-neê ko'alia kona-ba tó-piku oioin neêbé iha interese ba malu, ho foku ba kooperasaun iha área edukasaun, ekonomia, komérsiu no turizmu entre Timor-Leste no Kamboja.

Primeiru-Ministru Kamboja mós reforsa nia nia país nia apoiu ba adezaun Timor-Leste nian ba ASEAN no Organizasaun Mundial Komérsiu nian, nuneê mós iniciativa rejionál no globál sira seluk.

Vizita Traballu ba Repúblika Popular Xina

Primeiru-Ministru vizita provínsia Hangzhou, Xina, husi loron 20 to'o 23 fulan-setembru tinan 2023, hodi partisipa iha sesaun abertura Jogu Aziátiku ba da-19, nu'udar oportunidade importante ida ba foin-sa'e sira ne'ebé partisipa iha eventu ne'e.

Durante vizita ne'e, Primeiru-Ministru hala'o sorumutu bilaterál ho Prezidente Repúblika Popular Xina iha loron 23 fulan-setembru tinan 2023 hodi hametin kooperasaun entre nasaun rua ne'e. Iha sorumutu ne'e, parte-interesada bilaterál no rejionál balun hakbesik ona, no parte rua konkorda atu hametin relasaun entre nasaun rua ne'e kona-ba parseria estratéjika ida-ne'ebé komprensivu.

Prezidente Xi Jinping hatoo fali kompromisu Xina nian atu hametin relasaun bilaterál sira no kontinua fó apoiu ba dezvoltamentu Timor-Leste nian.

Iha Hangzhou, Primeiru-Ministru, vizita Universidade Zhejiang Gongshang iha loron 22 fulan-setembru tinan 2023, iha ne'eba nia apresenta diskursu sientífiku ida ba estudante sira ho tema "Evolusaun husi Ázia: husi Xina to'o Timor-Leste."

Iha loron 22 fulan-setembru, Primeiru-Ministru, akompaña husi ninia delegasaun, inklui Vise-Primeiru-Ministru, Koordinator Asuntus Ekonómikus, no Ministru Turizmu no Ambiente, hala'o sorumutu ida ho representante sira husi setór privadu Xina, Macau no Singapura, ne'ebé iha interesse atu investe iha Timor-Leste. Durante enkontru ne'e, investidor sira halo apresentasaun husi sira-nia kompañia no hatoo sira-nia interesse ba investimentu iha Timor-Leste. Sorumutu ne'e inklui mós partisipasaun husi Ministru Administrasaun Estatál, Ministru Planeamentu no Investimentu Estratéjiku, Ministru Juventude,

Desportu, Arte no Kultura, no Embaixador Timor-Leste nian iha Xina, Abrão Santos, no Adidu ba Komérsiu no Indústria Timor-Leste nian.

Durante vizita ne'e, Primeiru-Ministru mós hetan oportunidade atu hasoru malu ho nia omólogo Repúblika Korea, ho objetivu atu hametin no habelar kooperasaun bilaterál entre nasaun rua ne'e.

Primeiru-Ministru hatoo ninia apresiasaun ba Governu no setór privadu Korea nian tanba uza traballador timoroan rihun ba rihun hodi oferese oportunidade no esperiénsia servisu ne'ebé folin-boot iha Korea Súl, ne'ebé kontribui ona atu hamenus dezempregu iha Timor-Leste.

Primeiru-Ministru Korea Súl hatoo ninia apoiu ba Timor-Leste nia adezaun tomak ba ASEAN no hatoo ninia vontade atu kontinua fó apoiu ba Timor-Leste, liuliu iha área oioin, liuliu iha área desportu, edukasaun, saúde, rekreasaun, hodi kria ambiente ida-ne'ebé facilita ekoturizmu iha Timor-Leste.

Asinatura parseria estratéjika entre Timor-Leste no Xina

Asina akordu parseria estratéjika ida-ne'ebé luan entre Primeiru-Ministru Timor-Leste no Prezidente Xina, hafoin sorumutu ida iha Hangzhou, akordu parseria estratéjiku ida-ne'ebé luan liu, segundu nivel aas liu iha protokolu diplomátika Xina nian.

Parseria estratéjika ida-ne'ebé luan liu signifika, tuir país sira-nia diplomasia iha Ázia, katak kooperasaun tenke multidimensional, ne'ebé kobre área ekonomia, sientífika, teknolojia, polítika no kulturál sira, no lidera husi governu no organizasaun naun-governamental sira.

Termu “estratéjiku” signifika katak koopera-saun tenke “estavel” no “prazu naruk,” la sujei-ta ba impaktu husi akontesimentu periódiku sira.

Estabelesimentu futura Embaixada Singapura nian iha Timor-Leste

Estabelesimentu Embaixada Singapura iha Timor-Leste sai hanesan pontu fokál ida ba koopera-saun, apoiu no esploras-aun ba oportu-nidade sira iha futuru entre nasaun rua neê, liuliu iha área turizmu, investimentu, defeza no enerjia.

Estabelesimentu futura Embaixada India nian iha Timor-Leste

Durante sorumutu Asosiasaun Nasoin Sudeste Aziátiku (ASEAN), Primeiru-Ministru India anunsia ona desizaun atu harii Embaixada India iha kapitál Timor-Leste, Dili.

Desizaun neê integra iha planu pontu 12 ba relasaun India nian ho rejiaun neê, ho obje-tivu atu hametin koopera-saun no relasaun diplomátika iha rejiaun Ázia Leste. Planu ida-neê kobre área oin-oin, hahú husi kone-tividade toó infraestrutur-a publika dijital no asaun kombat-e ba terrorizmu.

Partisipasaun iha Simeira ASEAN ba da- 43 iha Jakarta

Primeiru-Ministru, akompaña husi Vise-Pri-meiru-Ministru no Ministru Koordenador Asuntus Ekonómikus, Ministru Negósios Es-tranjeirus no Koopera-saun, Ministru Interior no Vise-Ministru Asuntus ASEAN, participa iha Simeira ASEAN ba da- 43 iha Jakarta husi loron 5 toó 7 fulan-setembru tinan 2023.

Primeiru-Ministru hamutuk ho Xefe Esta-du no Governu Estadu-Membru ASEAN no Parseiru Diálogu sira hodi diskute interese rejional no internasionál. Sorumutu neê kria oportunidade ba Timor-Leste atu troka opi-niaun no fahe ideia kona-ba asuntu sira neêbé relasiona ho koopera-saun polítika, ekonomia no seguransa iha rejiaun neê.

Primeiru-Ministru mós hala’o sorumutu bila-terál barak ho lideransa Estadu-membru sira husi ASEAN nian, Sekretáriu Jerál Nasoins Unidas nian no parseiru sira husi Simeira Ázia-Pasifiku nian no partisipa iha konferén-sia 12 seluk, inklui enkontru plenária, reu-niaun informál no Simeira individuál sira husi ASEAN ho parseiru sira hanesan Xina, Korea Súl, Japaun, Estadus Unidus Amérika, Ka-nada, India, Australia, Nasoins Unidas, Ázia Leste no enkontru konjuntu ho Xina, Japaun, Korea Súl.

Simeira ASEAN neê marka remata prezidén-sia rotativa husi Repúblika Indonézia nian no ninia tranzisaun ba Repúblika Demokrátika Popular Laos.

Partisipasaun iha Assembleia Jerál Nasoins Unidas nian ba da- 78

Ministru Negósios Estranjeirus no Koopera-saun akompaña Prezidente Repúblika, Jose Ramos-Horta, iha Assembleia Jerál Nasoins Unidas ba da- 78 no iha sorumutu lubuk ida no eventu asosiadu sira. Debate jerál tinan ida-neê nian hahú husi loron 19 toó 26 fulan-setembru tinan 2023.

Objetivu husi sesaun da-78 husi AGNU mak “Rekonstroi konfiansa no restaura solidarie-dade globál: aselera asaun ba Ajenda 2030 no ninia Objetivu sira husi Dezenvolvimentu Sus-tentavel ba Pas, Prosperidade, Progresu no Sus-tentabilidade ba Ema hotu.”

Operasionalizasaun Misaun Permanente Timor-Leste nian iha ASEAN

Ho na'in Embaixadór foun, Natércia Coelho, Misaun iha Jakarta operasionál ona no lakleur tan sei bele koordena pilár tolu adezaun nian ba ASEAN, neêbé Timor-Leste iha kompromisu atu tuir.

Iha relasaun ho ASEAN, iha Dili, desenvolve ona planu implementasaun detalladu ida ba prosesu adezaun ASEAN no desenvolve ona akordu no tratadu lubuk ida iha área ASEAN.

Dezenvolvimentu Rekursus Umanus atu prepara ba adezaun ba ASEAN

Bob Aubrey, especialista desenvolvimentu rekursus umanus iha ASEAN, mai iha Timor-Leste, entre loron 28 fulan-agostu to'o loron 12 fulan-setembru tinan 2023, atu apoia Governu iha formulasaun estratéjia no polítika sira ba desenvolvimentu kapital umanu, liuliu iha kontestu preparasaun rekursus umanus ba adezaun Timor-Leste nian ba ASEAN iha futuro.

Apoiu Singapura nian ba Timor-Leste nia adezaun ba ASEAN

Ministru Negósius Estranjeirus Repúblika Singapura hala'o vizita ofisiál ba Timor-Leste husi loron 23 to'o 27 fulan-jullu tinan 2023, no hatoo fali kompromisu Singapura nian hodi apoia adezaun Timor-Leste nian ba Asosiasaun Nasoins Sudeste Aziátiku.

Apoiu husi Indonézia ba adezaun husi Timor-Leste ba ASEAN

Primeiru-Ministru no Prezidente Repúblika Indonézia hala'o sorumutu bilaterál ida iha Ja-

karta, Indonézia, iha loron 4 fulan-setembru tinan 2023.

Durante sorumutu ne'e, kontinua diskute kompromisu Indonézia nian hodi apoia adezaun Timor-Leste nian ba Asosiasaun Nasoins Sudeste Aziátiku, nune'e mos kestaun sira neêbé relasiona ho reforsu rekursus umanus no ekonomia nasionál. Prezidente Indonézia deklarata katak Indonézia kontinua fó apoia ba Timor-Leste nian adezaun, nune'e mos ninia planu implementasaun ba adezaun ne'e.

Prosesu remata Fronteira Terrestre ho Indonézia

Sorumutu Konsulta Ofisiál Aas ba da- VI (SOC), hala'o iha Bali, husi loron 13 to'o 14 Outubru, ho objetivu atu kontinua diskute entre Indonézia no Timor-Leste, kona-ba setór neêbé seidak rezolve iha fronteira terrestre nian iha Noel Besi-Citrana, neêbé lokaliza iha Oe-Cusse Ambeno.

Sorumutu ne'e rezulta akordu entre parte rua atu halo preparasaun téknika no prátika ho objetivu atu kompleta demarkasaun fronteira entre Timor-Leste no Indonézia, potensialmente iha tinan 2023 nia rohan.

Partisipasaun iha Prosesu Konsultivu Tribunal Internasional ba Direitu Tasi (ITLOS) kona-ba Mudansa Klimátika

Partisipasaun iha Prosesu Konsultivu Tribunal Internasional ba Direitu Tasi (ITLOS) iha Hamburgo, Alemaña, iha prosesu istóriu ida kona-ba Pareser Konsultivu kona-ba Obriga-saun Estadu nian tuir Konvensaun Nasoins Unidas nian kona-ba Direitu Tasi (CNUDM) kona-ba Mudansa Klimátika.



Kompozisaun Governu Konstitusionál IX

Primeiru-Ministru

Kay Rala Xanana Gusmão

*Vise-Primeiru-Ministru, Ministru
Koordenadór Asuntus Ekonómikus
no Ministru Turizmu no Ambiente*
Francisco Kalbuadi Lay

*Vise-Primeiru-Ministru, Ministru
Koordenadór Asuntus Sosiais no
Ministru Dezenvolvimentu Rurál
no Abitasaun Komunitária*
Mariano Assanami Sabino

Ministru Prezidência Konsellu Ministrus

Agio Pereira

Ministra Finansas

Santina José Rodrigues
F. Viegas Cardoso

Ministru Negósios

Estranjeirus no Kooperasaun
Bendito dos Santos Freitas

Ministru Justisa

Amândio de Sá Benevides

Ministru Administrasaun Estatál

Tomás do Rosário Cabral

Ministra Saúde

Elia A. A. dos Reis Amaral



Ministra Edukasaun
Dulce de Jesus Soares

*Ministru Ensinu Superiór,
Siénsia no Kultura*
José Honório da Costa Pereira Jerónimo

*Ministru Asuntus Kombatentes
Libertasaun Nasionál*
Gil da Costa Monteiro “Oan Soru”

Ministru Obras Públikas
Samuel Marçal

Ministru Transportes no Komunikasoins
Miguel Marques Gonçalves Manetelu

Ministru Komérsiu no Indústria
Filipus Nino Pereira

*Ministru Agrikultura, Pekuária,
Peska no Florestas*
Marcos da Cruz

Ministru Defeza
Donaciano do Rosário Gomes

Ministru Petróleu no Rekursus Minerais
Francisco da Costa Monteiro

Ministru Interiór
Francisco da Costa Guterres

*Ministra Solidariedade
Sosial no Inkluzsaun*
Verónica das Doreis

*Ministru Juventude,
Desportu, Arte no Kultura*
Nelyo Isaac Sarmento

*Ministru Planeamentu
no Investimentu Estratéjiku*
Gastão Francisco de Sousa

Vise-Ministru Asuntus Parlamentares
Adérito Hugo da Costa

Vise-Ministra Finansas
Felicia Claudinanda da Cruz Carvalho

Helder Lopes
*Husi loron 1 fulan-jullu toò loron
13 fulan-setembru tinan 2023,
loron ida neêbé nia simu pose
nudar Governador Banku
Sentráł Timor-Leste.*

Vise-Ministra ba Asuntus ASEAN
Milena Maria da Costa Rangel

*Vise-Ministru ba Fortalesimentu
Institusionál*
Paulo Manuel da S. dos Remédios

*Vise-Ministru ba Fortalesimentu
Institusionál Saúde*
José dos Reis Magno

Vise-Ministru ba Infraestruturas
Júlio do Carmo

Vise-Ministru Administrasaun Estatál
Jacinto Rigoberto G. de Deus

Vise-Ministru Komérsiu
Augusto Júnior Trindade

*Vise-Ministra Solidariedade
Sosiál no Inkluzsaun*
Céu Brites

*Vise-Ministru ba
Opsionalizasaun Ospitais*
Flávio Brandão

Sekretária Estadu Igualdade
Elvina de Sousa Carvalho

Sekretáriu Estadu Komunikasaun Sosiál
Exedito Dias Ximenes

Sekretáriu Estadu Terras no Propriedades
Jaime Xavier Lopes

*Sekretáriu Estadu Ensinu Sekundáriu Jerál
no Ensinu Sekundáriu Tekniku-Vokasionál*
Domingos Lopes Lemos

*Sekretáriu Estadu Eletridade,
Bee no Saneamentu*
Santos Noronha

Sekretáriu Estadu Arte no Kultura
Jorge Soares Cristovão

Sekretáriu Estadu Peskas
Domingos da Conceição dos Santos

Sekretáriu Estadu Pekuária
José Vieira de Araújo

Sekretáriu Estadu Florestas
Fernandinho Vieira

Sekretáriu Estadu Kooperativas
Arsénio Pereira da Silva

Sekretáriu Estadu Formasaun

Profisionál no Empregu

Rogério Araújo Mendonça

Sekretáriu Estadu Dezenvolvimentu Lokál

Mateus dos Santos Tallo

Sekretáriu Estadu Asuntus Toponímia

no Organizasaun Urbana

Germano Santa Brites Dias

Sekretáriu Estadu ba Protesaun Sivíl


Domingos Mariano Reis


Sekretáriu Estadu Veteranus

César dos Santos da Silva




GOVERNUN KONSTITUSIONAL IX







ATIVIDADE PRINSIPÁL SIRA GOVERNUN KONSTITUSIONÁL IX



IHA LORON 120 DAHULUK MANDATU NIAN



ATIVIDADE PRINSIPÁL SIRA GOVERNUN KONSTITUSIONÁL IX

AGOSTU

17

Sorumutuk da-55 Ministrus Ekonomia ASEAN nian

20

Sorumutuk Ministerial ASEAN nian ba da-17 kona-ba Krime Transnasionál

22

Ministru Negósius Estranjeirus no Kooperasaun bainhira halo vizita ba sede europeia g7+ nian defende hodi promove multilateralizmu

18

Timor-Leste no Brazil asina akordu kooperasaun ba mestradu foun iha edukasaun iha UNTL

Ministru Prezidénsia Konsellu Ministrus diskute kooperasaun estratéjika ho IFC hodi promove ekonomia nasional

21

SEFOPE no Nasoins Unidas diskute kooperasaun iha área empregu no formasaun profisionál

23

SETEMBRU

03

Ró ospital Xina nian atraka iha Dili hodi fornese servisu médiku

06

Simeira da-43 ASEAN nian iha Jakarta

Serimónia Transferénsia Poderes ba Servisu Nasionál Intelijénsia

04

Simeira negósiu no investimentu ASEAN

Governu simu apoiu husi UNICEF no Japaun hodi kombate anemia ba labarik-feto adolexente sira

Sorumutuk Interministeriál kona-ba Koordinasaun Asuntus Sosiais

08

IHA LORON 120 DAHULUK MANDATU NIAN

24

Orsamentu Retifikativu hetan aprovasaun husi Parlamentu Nasionál laiha Votus Kontra

Ministru Petróleu no Rekursus Minerais partisipa iha Sorumutuk da-41 Ministrus Enerjia ASEAN tinan 2023 no iha Fórum Negósius kona-ba Enerjia ASEAN nian

28

Vizita Ministru Negósius Estranjeirus Bangladesh

Vizita Ofisiál Vise-Primeiru-Ministru, MKAE ba Kamboja

Lansamentu Espozisaun Permanente “Tais Timor”

Ministra Solidariedade Sosiál no Inkluziun partisipa iha Sorumutuk Konsellu Komunitade Sosiokulturál ASEAN ba da-30 (ASCC-sigla português)

25

Sorumutuk Konsellu Ministrus CPLP nian ba da-28

Simeira Negósiu Inkluzivu ASEAN ba da-6

Vizita Diretór Sénior Parserias Estratéjikas WFP

29

Konsellu Ministrus aprova kalendáriu preparasaun Orsamentu Jerál Estadu ba tinan 2024, Rejime Asisténsia Médika iha Estranjeiru no kriaun Institutu Nasionál Farmásia no Produitu Médiku

09

Governadór Província Xineza Hunan nian, Mao Weiming, vizita Timor-Leste no lansa Programa kooperasaun Agrikultura ho Manatuto

12

Jornada Orsamentais OJE tinan 2024

14

Governu Promove Semináriu Estratéjiku kona-ba Dezenvolvimentu Rekursus Umanus ba Adezaun Sustentavel ida ba ASEAN

11

Governu no UNICEF asina akordu parseira hodi disemina direitus labarik nian no internet ne'ebé seguru

Fó pose ba Governadór foun Banku Sentrál Timor-Leste

Konsellu Ministrus aprova nomeasaun ba Presidentes TIMOR GAP, Murak Rai Timor, ANP, ANM no IPG nian

13



Konsellu Ministrus aprova hodi mantein interesse públiku kona-ba kontratu iha âmbito projetu jestaun ba rezíduu sólidu urbanu sira iha Dili no naran sira ne'ebé apresenta ba Komisáriu foun KAK

15

Simeira G77+Xina iha Havana

Felicia Carvalho simu pose nu'udar Vise-Ministra Finanzas

ATIVIDADE PRINSIPÁL SIRA GOVERNUN KONSTITUSIONÁL IX



IHA LORON 120 DAHULUK MANDATU NIAN

27

Konsellu Ministrus aprova **reintegrasaun pesoál PNTL**; akordu ho vietname, ho Sentru Komérsiu Internasionál ONU nian no ho Ministériu Komunikasoin no Informátika Indonézia nian; fó rai hodi harii Eskola Portuguesa foun iha Dili; medida intervensaun ba estabilizasaun folin foos; medidas vijilánsia no prezervasaun sistema abastesimentu bee; **planu intervensaun ba rehabilitasaun no rekonstrusaun urjente ba infraestrutura ne'ebé afeta husi tempu ladi'ak/aat**; prosesu aprovizionamentu ba forneshimentu pasaportes

25

Konsellu Ministrus aprova alterasaun ba Lei ne'ebé kria RAEOA no ZEESM

APG avalia kompromisu Timor-Leste nian iha adezaun ba padraun internasionál sira hodi kombate brankeamentu kapitál no finansiamentu terrorizmu

26

Governu no Brunei diskute loka tan no hametin kooperasaun entre nasaun rua ne'e

28

29

Vizita Ministra ba Indo-Pasífiku Reinu Unidu nian

Vizita Ministru Estadu Negósios Estranjeirus India

Forum kona-ba Feto iha Lideransa no Diplomasia

30

11

Konsellu Ministrus aprova: proposta hodi ratifika akordu ho Ajénsia Internasionál Enerjia Atómika ba aplikasaun salvaguarda iha ámbitu Akordu Naun-Proliferasaun; akordu ho país sira ne'ebé halo parte iha ASEAN kona-ba livre vistu fins turístikus nian; atribui responsabilidade ba koordinasaun KONSSANTIL; autoriza abertura ba prosedimentu aprovizionamentu ba konstrusaun sistema irrigasaun ida iha Maliana

Sorumutuk da-6 husi Grupu Traballu hodi adere ba OMC ba konkluzan negosiasaun

Pakote pasaporte dahuluk, ho total 700 hahú distribui ona ba grupu prioritáriu sira

Sorumutuk Ministeriál da-5 Forum Estados Arkipelájikus no Illa (AIS Forum) tinan 2023

Semináriu kona-ba Enkuadramentu Jurídiku no Regulatóriu ba Kaptura no Armazenamentu Karbonu iha Timor-Leste

Forum Altu Nivel ASEAN kona-ba Parserias no Dezenvolvimentu Inkluzivu ba Ema ho Defisiénsia

10

ATIVIDADE PRINSIPÁL SIRA GOVERNUN KONSTITUSIONÁL IX

12

Governu, PNUD no Japaun asina parseria hodi hadi'a infraestrutura iha comunidade rurál

Timor-Leste no Indonézia kontinua halo negosiasaun kona-ba fronteiras terrestres iha Reuniaun Konsulta Altus Funsionáriu ba da-6

OUTUBRU

17

Sorumutuk ho delegasaun OSAKA Gas Austrália, empresa parseria iha konsórsiu dezvoltamentu Greater Sunrise

Governu asina akordu ho responsavel empresa importadoras lima hodi garante estabilizasaun folin foos

14

Diskusaun ho emprezáriu sira husi Brunei Darussalam kona-ba estudu projetu abranjente ba investimentu no dezvoltamentu multisetoriál iha munisípiu Baukau no Dili

23

Konta Jerál Estadu kona-ba tinan finanseiru 2022 hetan ona aprovasaun husi Parlamentu Nasionál

SEFOPE no Uniaun Europeia diskute kooperasaun iha formasaun agroflorestál

Timor-Leste no Indonézia finaliza akordu bilaterál hodi asesu ba merkadu servisu no beins iha âmbito Organizasaun Mundiál Komérsiu nian

Semana Internasionál Dahuluk kona-ba Kompeténsias Timor-Leste no ba Reuniaun Konsellu Administrasaun SEAMO VOCTECH ba da-34


OUTUBRU


Parlamentu Nasionál aprova iha jeneralidade Proposta Lei alterasaun ba RAEOA no ba Kualifikasaun Jurídiku-administrativa iha Illa Ataúru

Komité Revizaun Polítiku hahú halo análise ba OJE tinan 2024

24

IHA LORON 120 DAHULUK MANDATU NIAN





*“Ita-nia vizaun mak
kona-ba nasaun ida-ne’ebé
iha sosiedade ida-ne’ebé
prosperu, saudavel, edukadu
no kualifikadu, inovativu
no dinámiku, ho asesu ba
sasán no servisu esensiál sira
no iha ne’ebé produsaun no
empregu iha setór produtivu
hotu-hotu korresponde ho
ekonomia emerjente sira.”*



Governu Konstitusionál IX

fulan-novembru tinan 2023